



退漁堂遺稿
天

詩

16
2333
1



門 16
號 2333
卷 1-3

退漁堂遺稿總目

樂樓書齋

退漁堂

卷之一

詩

卷之二

詩

卷之三

詩

卷之四

詩

卷之五

退漁堂高

總目

疏

卷之六

疏

卷之七

疏

達辭

退漁堂遺稿卷之一目錄

詩

夢作

雨夜用兒輩韻

偶吟

雪後呼韻

題畫屏 八首

稚松

雨夜

送春日雨中用前韻

晴詩

暇日步入後谷呼韻

靜中偶閱瑞石集次卷中韻

秋日次唐詩詠蟬韻

溯流尋奉恩寺用崔孤竹韻

次東坡新年韻

春日次姪兒韻

次兒輩韻集古句 二首

次兒輩韻

白屋

己丑元日自郊入城

入城路上口占

東湖北山有尋寺觀瀑之意與諸君約久而苦

未就今春頗早暄諸君亦相勸起能無如昨

年之事空談否耶德老兄鎮成有詩相示聊

次以呈

雨中憶郊墅

黃昏庭步憶郊居

歸樓日次簡齋晚步韻

德兄約相尋有寄詩次韻寫喜

又呈德兄

寒食日憶新村次簡齋韻

雨後次杜晴韻

道峯次德兄韻

登普德窟窟在山最高處極幽深傍有懸崖一

路向萬丈峯云而以其險峻欲上而未果遂

來坐寺樓樓在窟底架虛面勢極爽豁吟望

移日次德兄韻

次簡齋韻

暮春梨峴賞紅桃次簡齋韻述意

折花一枝燈下戲賦

入松都次申圭伯鉉韻二首

善竹橋感吟

崔將軍瑩墓

太宗臺尚有巖屹立可三四丈巖上有一松甚

奇古不幸為蟲損其葉忽枯死真勝境之一

欠也嗟歎久之次農巖韻

觀音窟早起有微雪次農巖韻

入崧陽廟次板上韻

戲鴻堂為朴生天柱賦松菊恠石三首

北聖居庵登七星臺分韻得北字

向金藏窟輅憩大宗臺兼上人自圓通來會賦

詩志喜

早出江西寺乘潮向甘露舟中呼韻

早出廣津登船過農巖舊居感吟

睡村午睡

郊居別諸君

蕩春臺少憇次三洲韻

除夕次孟襄陽韻

唱第日志懷

禁中鎖直 二首

出城次唐律

述懷

病夜睡回間兒讀書感吟

次德兄

清時

呈德兄

次德兄 三首

春來寒温甚不適寒食日風雪大作亦一變異

近日天灾民疫又多可憂者賦得一律

聖上迫於羣情既進大號後因天灾下備忘有
特停進宴之命德兄賦詩頌美卽次
借來德兄驢子忽見失半日不得不能不關心

戲呈德兄

劔南集曰絕祿以來衣食愈不繼小兒力圖之
余謂不若痛節用爾誠有味乎其言之也遂
次其韻呈德兄以俟和教

夜坐次山谷韻

大雪次山谷韻

夜次杜韻

圭伯自驪至高生隲用杜韻志喜吾亦次

送高生讀書奉恩寺

招肅玉內弟李璠不至見寄一律卻次

次肅玉

病松

喜人送穉鶴

奉和藥院相公蒙宣醞志喜之什三首

數月來不作一詩蓋以新遭重制有不忍畱意
吟詠不惟病甚而然耳十月十五日是葬日
其曉睡覺淒然之極仍不復睡偶思得一句

遂足成叙悲

次金叔光鍊用杜韻

春雨次金叔用杜韻

樊山感懷六首

德雨龍澤兄弟携鄭叔睢麟重來訪拈韻各賦

申明瑞錫鳳來次放翁韻以示

送趙叔章文命宰金溝

潭陽申使君聖夏投箋求別語顧余廢詩久矣

近益卒卒未暇為也新秋雨後獨坐聞蟬率

爾吟奉以叙離別之恨存沒之感云

春坊直廬

李載寧碩輓

贈李內翰君範箕鎮李於是日移直藝文館

春坊直夜用前韻書寄李內翰

看南山

李同敦弘逸內外輓

曠通信使洪士能致中日本之行

德雨宅與叔睢羅溪源後同賦

余將退寓鷗亭村舍德雨來見苦挽有詩即次

六月二日將發鷗亭之行前一日諸君同來相

別用前韻

別壺洞舊宅用王縉韻

由蠡島舟下鷗亭用前韻

歸路歷翫徐相國宗泰池館又用前韻

雨中簑笠到江頭偶逢村老問吾似野人否答

曰似矣喜吟一絕

李啓元天紀用扉字韻見寄卻成二詩報之

首

和啓元寄示之什

七月既望向夕雨晴待啓元德輝光澤之行用

前韻

舟中呼韻

和致仲民澤用啓輝出城韻寄示之什

雨夜用前韻

七月二十四日東風甚惡

喜見致仲書疊前韻以寄二首

又疊前韻寄致仲

其二屬李陽伯喜之

其三哀景雍堯澤

奉和李叔仁夏氏投示韻

次啓元寄示韻 三首

夜坐疊前韻

石臺垂釣

拜王考墓

拜先考墓

由南漢昏後出城

尋奉恩寺老釋坦俊相持甚款疊前韻 二首

江亭對月次圭伯用聖姪韻見寄之作

次李君士固惠重寄示之什

暮望

士固歸後有賦

近得李穉和 重協 謫居比隣喜拈杜韻共賦

乘月訪穉和疊前韻 二首

又拈簡齋韻各賦

伏聞 聖上哭臨 王子喪下懷慘慮之極遂

成兩律示穉和求和 二首

穉和夜訪疊晴字

上之還宮翌日始聞症候別無所添喜疊前韻

穉和夜過拈輞川韻

仲行雲澤膺湖西左道均田使之 命臨行訪

余於湖上賦此與別

次洪良臣錫輔寄示韻 三首

贐申聖與替書狀赴燕之行

伏波亭訪良臣次孟襄陽韻

和申明遠時直廬見寄之作

余方有目疾穉和有耳病率爾吟奉

盆梅始開次杜韻

臘日

雪終日次老杜韻

雪晴月明再疊

雪月又疊前韻

同穉和守歲拈唐人除夕韻

庚子元日次杜元日韻

初春明瑞來訪江居復用去秋所拈杜韻共賦

葺船新放同上汾州疊賦

泛舟汾河次輞川漢江臨汎韻

舟泊鷗亭下步上次謫仙岳陽樓韻

春雨次杜韻

春雨

春日次靖節韻 二首

冷節省祖考墓用去秋省拜韻

先考墓用去秋省拜韻

次隣家壁上韻

自城歸渡漢江次君範韻

退漁堂遺稿卷之一目錄



退漁堂遺稿卷之一

詩

夢作

長風九萬里吹月度千門何處一聲笛東方欲破昏

雨夜用兒輩韻

月落泉鳴夜山深葉語秋夢回孤枕上窗外雨聲流

偶吟

林外鳥歸棲千村煙氣暮寒聲來遠山秋色在高樹
天遠鴈驚霜野長江隱霧無端澗底泉半雜松間雨

雪後呼韻



一
夜前村雪茅簷壓欲斜鳥投天上樹人入畫中家
遠岫輝輝日孤城點點鴉平郊看夏潤煙外暮江賒

題畫屏

誰家籬落枕江邊巖下無人日繫船政是春光濃點
綴遠村如夢柳如煙

幽人默坐每虛亭亭上松陰駐遠情要識此間淡靜
意青山不語水無聲

何來山色非煙淡自在泉流不雨肥岸草林花同寂
寂惟他遊客也忘歸

煙淡竹逕靜空亭霧灑江天杳遠汀漁子幾時移小

艇老翁終日立閒庭

疑有疑無山帶雨乍歇乍整樹含風江村杳杳溪橋

遠但見漁翁暝倚篷

天空塞鴈飛何去月白秋江澹不流夜靜笛聲如可

聽南船未發北船留

松林靜處覺無風流水高山寂寞中彈罷瑤琴人不

語仰看孤鶴點秋空

何處漁翁何處客孤舟不動塞驢遲湖山雪後均清

趣釣手詩肩較孰奇

穉松

退道稿 卷一
新移弱植我心憐綠葉成陰定幾年已識孤根蟠厚
地待看千尺聳高天疎枝漏月侵宵坐偃蓋迎風警
午眠肯逐雪霜凋晚節一庭春色四時連

雨夜

江暗漁燈出浦稀濕雲和霧入庭飛郊原雨足春多
事幾處農人夜未歸

送春日雨中用前韻

靜中心緒出門稀愁外風花一夢飛微雨捲將春色
去綠陰淡處早鷺歸

晴詩

雨過千峯展翠巖芹根泥滑蕪雙銜花蹊春盡樹陰
密蘿逕客稀苔色緘山郭暮煙橫度鳥水村斜日亂
歸帆閒來欲學樊遲圃試問隣家借木鏡

暇日步入後谷呼韻

洞關千年地虛明別有天山高懸日月松古老雲煙
蒼逕喧幽鳥風巖韻細泉我來不忍去每被綠蘿牽
靜中偶閱瑞石集次卷中韻

谷口三間屋階前半畝塘山溪雲作態雨過土生香
叢菊根初遍風泉韻更長病餘看藥性庭草揔堪嘗
秋日次唐詩詠蟬韻

虛亭秋氣早高樹夕陽侵忽聽寒蟬噪如和病客吟
乍因便風遠還帶暝煙沉散盡淒清韻誰知皎潔心
溯流尋奉恩寺用崔孤竹韻

清江一路盡青山落日維舟亂石間疎雨半邊秋色
遠錦林溪處扣僧關

次東坡新年韻

門逕緣山曲茅齋近水清斷冰橫晚渡殘雪濕春城
遠岫寒全薄陳根暖漸生江湖多少興鮮膾伴芹羹

春日次姪兒韻

對酒聊吟春日詩隔林啼鳥晚晴時兒童掃雪驚奇

事報道梅花已滿枝

次兒輩韻集古句

幽事供高卧杜甫農談日西夕維王郊扉存晚計杜甫蘿逕
封行跡僧靈荷鋤覘泉脉維王倚杖看古石杜甫山雲昨

夜雨元郎士晚來山更碧杜甫

其二

暝色起煙閣韋應物牛羊下來夕杜甫古道少人行韓偓空
階有鳥跡岑參野曠天低樹孟浩山虛風落石杜甫江月夜

淡孤賈島遙岑出寸碧韓愈

次兒輩韻

進德齋稿 卷一
欲過林塘路其如懶慢何閉門春色遠惆悵落花多

白屋

白屋寒煙裏荒郊老樹邊前江夜來雪應滿釣魚船

己丑元日自郊入城

小齋燭影已欲盡多村鷄聲亂續鳴詩箋酒具曉仍在物色生態春復情二十六年此日始百千萬事何時成出門但得一身健短策扶吾隨所行

入城路上口占

長安何限丹青手誰畫騎驢我入城政爾新年無事樂也知多病亦身輕東風着物皆生態殘雪當詩更

有情最愛南山增秀色一眉晴綠故相迎

東湖北山有尋寺觀瀑之意與諸君約久而苦未就今春頗早暄諸君亦相勸起能無如昨午之事空談否耶德老兄鎮成有詩相示聊次以

呈

病起身何事春來意渺然雲霞東洛寺雷雨北山泉乘我漁舟興共君驢背眠兒童且近報花柳欲無邊

雨中憶郊墅

物色日應好山居吾欲歸江春浮泱潁野雨濕芳菲興到思扶策身輕欲減衣隣朋枉書札幽賞莫相違

黃昏庭步憶郊居

沉痾萬事破獨立一園清雨露氣多潤松杉陰已成
江湖空物色漁釣負平生羨彼歸棲鳥黃昏羽翮輕
歸棲日次簡齋晚步韻

擾擾隨塵俗悠悠惱病憂東風倚山閣萬事聽江流
鳥語詩相和雲來意共幽悠然坐終夕爭路見歸牛
德兄約相尋有寄詩次韻寫喜

浮生不必感流年政喜韶華滿目前溪究世間千萬
事不如花下兩三篇

又呈德兄

草閣柴扉鳥散鳴山明水白雨新晴良朋不至青春
晚病子孤吟白髮生

寒食日憶新村次簡齋韻

冉冉趨塵路棲棲次市門幾年逢熟食多病憶新村
野水平湖岸山齋雜樹園浮生懷故物百感集深樽
雨後次杜晴韻

既雨山如畫無風水自文捲簾邀語鳥倚杖送歸雲
病竹光猶淨高花意不羣吟樽須爛熳時物政繽紛
道峯次德兄韻

兩賢有祠廟名與道峯尊對壁巖巖象雙泉混混源

通海遺稿 卷一
已年同禍運時事可重言千古雲壇月雷開夜色昏
登普德窟窟在山最高處極幽深傍有懸崖一
路向萬丈峯云而以其險峻欲上而未果遂來
坐寺樓樓在窟底架虛面勢極爽豁吟望移日
次德兄韻

惟天有創奇巨窟懸崖上叅錯雲石陰呀折洞門狀
溪入日月昏屢驚風水響傍有一絲磴欲躋神自恍
高有萬丈峯可挹不可仰且來樓上坐忽然天地朗
連山東南豁原野杳莽昔觀蓬山窟祇今猶夢想
內知普德高外覺松林壯對此侔奇觀况得憑遠望

中年苦多病勝境空心賞今來快疎散疑有造物相
一笑語同行告歸莫惆悵且看雲鶴飛似欲駕吾往

次簡齋韻

杳杳山樓迴倚空陰陰石窟自生風忽看暗竇飛泉
湧萬古真源在此中

暮春梨峴賞紅桃次簡齋韻述意

冉冉紅桃樹朝朝費我吟青春能幾日綠葉已繁陰
文墨無長技功名只苦心道峯曾有約吾欲及花尋
折花一枝燈下戲賦

春盡孤花發滿枝折來燈下弄幽姿紙窓畫出婆娑

影絕勝中庭日照時

入松都次申圭伯鉉韻

臺上悲風吹短蓬客來無語倚孤筇荒城莽蕩煙雲色曠野縱橫鳥獸蹤百死精忠人作土千年霸氣嶽無松最憐宮闕俱焚滅誰信當時有九重

又次

人去國隨滅道存名不窮短橋惟逝水喬木尚高風血有萇弘碧顏應褚子紅向來懷古淚霑灑廟庭中

善竹橋感吟

崧山之側小溪湑長憶先生死節時遺廟開門瞻古

像荒橋下馬讀殘碑

崔將軍瑩墓

落日將軍墓空山下馬人當時公不死麗季國無臣簡策名超古英雄淚滿巾寒風更蕭瑟大樹尚精神太宗臺傍有巖屹立可三四丈巖上有一松甚奇古不幸為蟲損其葉忽枯死真勝境之一欠也嗟歎久之次農巖韻

晨起復山行林僧具草屐逕回抵平臺臺清自水石蒼巖勢忽高登臨潭更碧孤松跨絕頂根走厚崖圻經閱幾百年蟠屈數十尺爾既生有意甚與清境適

胡為蟲蟻損慘然無生色古來有材人幾箇同冥寂
默思造化理沉歎終日夕

觀音窟早起有微雪次農巖韻

曉看山色奇微雪棲幽所日出旋自消青崖霑幾許
後起疑有雨露滴松間清汲泉諸僧出罷齋清磬語
欲歸見白雲令人還久佇

入崧陽廟次板上韻

森森老栢立祠庭永衛宗臣不昧靈憐爾慣生忠節
地錦官城外亦青青

戲鴻堂為朴生

天柱賦松菊恠石陽廟傍

氣並崧山秀陰連廟栢濃故都如許樹惟有此孤松

右松

吹香過酒樽垂藥向書屋莫道物無心亦猶人愛菊

右菊

幽欲生雲氣潤能通水脉客來休見恠本自山溪石

右恠石

北聖居庵登七星臺分韻得北字

身病強清遊意得從疲極忽看崖寺僻於焉一攀陟
後有聖居山嵯峨聳雲特前有嶺彌峯突兀半空直
東臺最高絕七星臨其側雲壁四面圍高天窄欲塞

溪入坤維裂倒來日輪具巖石亦瓌詭叢列如刻飾
蹲居人物狀衣被金碧色偉哉造化翁設此頗用力
以遺聖道師伊昔養玄默師去山已空有誰繼遊息
老僧語恍惚舊跡難可測沉忠失前期倚松到景仄
藹藹雲霞生下山望南北

向金藏窟暫憇大宗臺兼上人自圓通來會賦

詩志喜

跨驢吾到此飛錫爾從何一笑蒼崖迴新詩錦葉多
石潭浮道氣雲窟逗仙歌不獨匡廬下淵明得意過
早出江西寺乘潮向甘露舟中呼韻

甘露寺前朝日明江西渡口早潮生輕舟駕得長風
去山北山南聽櫓聲

早出廣津登船過農巖舊居感吟

昔過農巖宅維舟澗水濱重來今七載往跡已浮雲
墟木空華色江波自錦紋何由論學理猶得接詩文

行中適持農巖集數冊

睡村午睡

江雲谷雨遮陰晴黃鳥玄蟬時一聲淡處枕鞍終日
睡客行真不負村名

郊居別諸君

落日澗聲裏，遙山雲氣中。雙鷗輕度水，獨樹易驚風。
離別餘情在，江湖勝事空。非無他夕會，難得此遊同。

蕩春臺少憇次三洲韻

蕩春臺下水，晴日照如空。花發曾携酒，秋來又看楓。
雲山從古好，林逕少人通。獨與樵僧去，招提蒼翠中。

除夕次孟襄陽韻

除夕看兒戲，他時即汝身。往來成舊物，畢竟是何人。
不寐詩空惱，長呻病獨親。孤燈差慰我，滿眼結花新。

唱第日志懷

才疎學蔑愧平生，末第書名亦倖榮。堪笑自期猶不

淺，未曾溫飽費經營。

禁中鎖直

假寐頻驚禁漏殘，晨燈照影着朝冠。科名偶得身何
補，宦味初嘗齒已寒。終日應酬渾俗事，向時羸病亦
清歡。春花落盡桃源內，又失佳期載酒看。

疊

禁廬牢直惜春殘，林下逍遙負葛冠。倦鳥溪籠愁日
永，幽花獨樹怯風寒。詩餘舊習惟排悶，語向新交少
作歡。早識宦情如許薄，未應場屋舉頭看。

出城次唐律

近海遺稿 卷一
出城多喜望長天俗慮身病一灑然快若籠間新脫
鳥清如樹杪曉吟蟬樽明菊藥交楓葉枕爽松風和
石泉何似後川明月夜閉門空憶入山年

述懷

平生志欲古人如趣尚羞同末俗於得不為欣失何
減譽無足勸毀其沮高秋木落看山立靜夜風來覺
水虛惟恨一身嬰百病半年休讀聖賢書

病夜睡回聞兒讀書感吟

病衾無睡夜寒深霰雪交窓風滿林何處讀書聲入
耳燈前忽起少年心

次德兄

鳥有避虞羅獸有畏陷阱况乃人最靈其不能自靖
吾少計何愚不達以為病及至涉世路始思跡遠屏
功名不可期富貴非本性堪笑不知者推挽要奔競
紛紛人世內誰復志趣正惟君析此理相照心如鏡
清宵默而對悠然發深省燈花自開落爐灰遮溫冷
方知千言多不敵一念淨行藏與出處一置無心境
有酒只大斟有詩且高詠聊以送吾生此樂何時竟

清時

清時每恨出身遲既出方知計未奇南郭杖藜雲起

出東郊觀稼水盈陂溪山過雨生新色松桂逢春長
舊枝不去胡為城市住與君朝夕且論詩

呈德兄

昨日非今日朝陰復暮陰身應難少健跡豈免幽沉
宿鳥惟淡入風松自遠音聞門常早閉無意待人尋

次德兄

我朝唐虞治我 王堯舜聖引用多髦俊達視又明
聽胡為守窮獨甘與草莽并君看賢達人古事今可
證鼻夔貴兼善巢由懷自靖各從其所好出處無一
定

其二

我病且疎愚不學遊宦巧恥以一科名自謂吾事了
學道敢期尊為文不必妙但將身與心靜處細檢校
倘到寡悔地亦為吾所樂

其三

吾觀小陵集發而為吾詩自謂工且健一掃陳腐詞
見者則大笑云我勿復為我亦方寸內不無時然疑
然觀古作者不隨時俗姿苟其自知審終身為不衰
間來更細讀讀罷復靜思

春來寒溫甚不適寒食日風雪大作亦一變異

近日天灾民疫又多可憂者賦得一律

春序寒暄半風陰雨雪俱民方時疫死農亦歲侵無
廊廟經綸足村閭景色殊平生猷畝志何地着疎迂
聖上迫於羣情既進大號後因天灾下備忘有特

停進宴之 命德兄賦詩頌美即次

崇號輿情迫 聖心夫豈然忽聞停宴 命空格降
灾天德盛絲綸播名輝簡策傳從今吾赤子得見昇
生年

借來德兄驢子忽見失半日不得不能不關心
戲呈德兄

不問吾驢與君驢空於得失只泰如終是不能無物
我時時默念罷看書

劔南集曰絕祿以來衣食愈不繼小兒力圖之
余謂不若痛節用爾誠有味乎其言之也遂次
其韻呈德兄以俟和教

此老雖貧甚曾中俗物疎家畱節用訓手絕覓官書
笑傲形骸外流傳咳唾餘沉吟多感慨車馬暝鐘初
夜坐次山谷韻

一床黃卷寄紅塵幾處青山帶白雲平日故人多厚
祿少年新學摠能文窓虛雪月娟娟影夜靜爐煙細

細薰不是傲時甘寂寞自知無術事 明君

大雪次山谷韻

雪滿樓臺晴日淡寒淡巷陌苦氛除虛窓晃冷常如
書遠樹微茫摠欲無水澗漁叢誰着句庭間鳥跡自
成書村嫗暮汲水泉去一縷青煙起冷厨

夜次杜韻

柴荆帶暝色半掩見人稀遠樹孤煙上疎籬一鳥歸
星光臨水大燈影隔松微小梅寒更落疑有雪花飛

圭伯自驪至高生騶用杜韻志喜吾亦次

君說田廬好移栽松柏新窮年嬰俗務合眼夢鄉人

野水雙漁艇溪亭幾幅巾何時携手去農事日相親

送高生讀書奉恩寺

高生自濟州負笈奉恩寺既有遠來心長持初去志

招肅玉李內弟不至見寄一律卻次

林禽喚友百花迷梁燕雙來語舊棲已覺一年春事
晚不堪孤坐夕陽低相思忽得詩如錦一笑何由醉
似泥仍想浣溪新雨漲日長無事灌園畦

次肅玉

何限東城宅清溪無此園荷浮新葉淨笋迸舊叢繁
喧寂惟高枕憂懽且一樽悠然晴晝夢不復到山村

病松

慘慘庭松樹初移色可憐誰知蟲蟻損不見鳳鸞眠
自負神明意非因雨露偏主人興屢歎培養幾多年
喜人送穉鶴

盆梅子落已多時階竹笋枯只老枝雛鶴何來庭下
立天教窮獨養為兒

奉和藥院相公蒙 宣醞志喜之什

此慶同朝野提醫况近天纔聞移院直復道退家眠
寔賴神明佑由來誠意專蒼黃向時步晨夕閤門前
其二

慶始從今歲和應復舊天稍增日三饒全穩夜中眠
賜對槐班接 宣恩藥院專已聞移 玉趾輕健勝
冬前

其三

病中 宸製數一念重民天心喜溟船達春遲雨夜
眠憂勤誠若此調攝恐難專更願存淡戒長如少愈
前

春間喜雨及耽羅賑船往
達之報俱有 御製故云

數月來不作一詩蓋以新遭重制有不忍留意
吟詠不惟病甚而然耳十月十五日是葬日其
曉睡覺凄然之極仍不復睡偶思得一句遂足

夢回殘月半窓昏病枕微微淚有痕遙憶大人先壠
下白頭晨起葬兒孫

成叙悲

次金叔光鍊用杜韻

二月禽聲合千門草色多青春應漸好新雨更如何
樹結離離藥池開湛湛波南山轉蒼翠詩興與峨峨

春雨次金叔用杜韻

空裏霏微灑到庭新綠生煙雲萬戶色冰雪一渠聲
暗入花心潤輕霑柳眼明晴朝更濃麗春滿漢陽城

樊山感懷

秋曉荒原草樹悲祭餘孤立日西移白頭病母京城
內泣想山中跪奠時

睡回如喜又如悲起向窓間枕故移明月乍從池上
度亂雲溪鎖下山時

平生癢疾使親悲一念幽明定不移每到墓前瞻拜
日泣陳強健勝平時

頑忍猶然或有悲始知丘墓性情移山齋孤燭無眠
夜霜曉微寒中體時

汨然憂疾與哀悲猶自生存歲屢移早識一身非我
有豈遺千恨在今時

孤墳拜別夏含悲後到惟應日月移寂寂荒墟人斷處重重亂炭獨歸時

德雨龍澤兄弟携鄭叔睢麟重來訪拈韻各賦

相見樽先綠相期鬢已絲燈懸微雨夜話入故都時疎放榮陽醉平生谷口詩遊從復自愛浮世謾寒飢

曾與叔睢同遊松嶽故云

申明瑞錫鳳來次放翁韻以示

喪期纔畢返吾廬孤苦情懷難自據偶得半生相好友忍尋平日所看書時憂滿目還杯酒生事無心只飯蔬樊壠梨庄閒土潤便思將母老耕漁

送趙叔章文命宰金溝

鳥語百花飛晴林日午時慇懃來告別珍重為求詩拙可將勤補忠應自孝推因風聞美政千里慰相思

潭陽申使君聖夏投箋求別語顧余廢詩久矣

近益卒卒未暇為也新秋雨後獨坐聞蟬率爾吟奉以舒離別之恨存沒之感云

高林過雨已寒聲澗院日斜蟬亂鳴送別邗堪千里遠論交曾有二難并少年巖靜蒼苔絕秋月山奇翠

壁橫五馬翩翩遊賞地綠槐回首夏傷情綠槐正甫堂號

春坊直廬

末路崎嶇跡圓扉出入身經綸非我事冠冕少相親
白髮驚秋速青山入夢頻明朝拜章去數問遠天晨
李載寧磴輓

車老詞雄博翁才豈下風科園重擢桂日域遠隨蓬
文字災難盡明珠誦易蒙居然乘化去煙月五湖空

贈李內翰君範箕鎮李於是日移直藝文館

清切藝文館風流李翰林家聲輝秉筆樓勢敞移衾
石室圖書聚松崖歲月深匡廬十年業應向此中尋
春坊直夜用前韻書寄李內翰

城闕雪雲黑北風鳴禁林無眠對孤燭永夜擁寒衾

天地 君恩大星霜母病溪溪山間自在何日共歸
尋

看南山

昨夕南山對悠然意不知今朝看夏好卻悔罷官遲

李同敦弘逸內外輓

同敦寧事貞夫人歲過重牢壽亦尊偕化儵然無復
憾滿園花竹屬兒孫

贐通信使洪士能致中日本之行

侍郎持節使東隣六月仙槎發海濱馬島魚龍迎彩
舫板城歌吹擁華輪燕山瘞骨猶曾許越橐携金也

退還和卷一
可嗔三百周詩君已誦蠻奴應不比前人

德雨宅與叔睢羅溪源後同賦

海內兩高士城東一醉歌衣冠童子恠氣味古人多
雨砌垂紅藥風池漾綠波吾家新酒熟重會意如何
余將退寓鷗亭村舍德雨來見苦挽有詩卻次
可喜吾家姪衝泥扣午扉行藏終日話風雨半簷飛
性合親鷗鳥才無補 衰衣漁舟浮漢水携手可同
歸

六月二日將發鷗亭之行前一日諸君同來相
別用前韻

清風生几席永日敞軒扉綠樹幽鷺喚滄江倦鳥飛
聖朝憐弊質朋舊攬行衣強欲遲遲發其如義合歸
別壺洞舊宅用王縉韻

達士去世間言面幾微絕可笑俗人情遲回居宅別
由蠡島舟下鷗亭用前韻

蠡島平湖岸村家半掩扉明沙綠蕪接青嶂白雲飛
賣宅謀漁艇懸冠返布衣終南尚餘戀黯黯背人歸
歸路歷翫徐相國宗泰池館又用前韻

路轉新亭下林溪故相扉江明垂柳外樓壓遠帆飛
荷碧浮塘葉苔斑覆井衣老夫如有此應早乞身歸

雨中簑笠到江頭偶逢村老問吾似野人否答曰似矣喜吟一絕

煙雨霏霏暗水頭絲簑青翁去來遊道然笑向村翁問看我形容似爾不

李啓元天紀用扉字韻見寄卻成二詩報之

忽得君詩讀秋涼生野扉燈前書蠹走露下草蟲飛江濶波搖艇樓虛月照衣可能乘興出相對不知歸

其二

露氣新秋石江聲半夜扉穿林孤火去度水數星飛病合棲丘壑慵知謝芻衣世人都不識謂我急流歸

和啓元寄示之什

亭下雙槐高十尋婆娑影落大江濱日斜漁艇多依岸秋至蟬聲忽滿林曾許國恩酬一死期回世道掃羣陰湖邊一卧無歸日誰識平生有苦心

七月既望向夕雨晴待啓元德輝光澤之行用

前韻

返照含疎雨江明柳外扉青青山半出白白鷺羣飛煙戶知炊麥風簷見曬衣今宵應有客數問暮漁歸舟中呼韻

有僕持驢至言君泝岸行非嫌村路遠自喜棹歌聲

急雨鳴江濶疎雲避月生輕舸載酒下我亦好風情

和致仲民澤用啓輝出城韻寄示之什

獨坐江聲裏三夏月上東宿檣高柳側鳴杵遠村中
退老身何得酬 恩計卻空秋庭有寒螢燈下苦吟
同

雨夜用前韻

風雨滿江暗孤村人不行蕭蕭林葉墜咽咽草蟲聲
許國曾輕死歸田卽一生曉天鷓鴣動忽起趁班情

七月二十四日東風甚惡

秋岸東風疾千林鳥鵲號驚飄未霜葉怒立半空濤

白屋掀疑拔青疇掠似鑿宮居兼粒食愧我不躬勞
喜見致仲書壘前韻以寄

無限江邊柳絲絲盡向東書從香谷裏人在釣船中
雨意蟬鳴遠天容鳥度空間官可乘興何惜暫來同
再壘

林亭常望北江水又從東華嶽秋雲外層城夕照中
世間忠義大身後利名空此意惟君解憂應進退同
又壘前韻寄致仲

亂石清江北孤村老樹東用功倫義上酬德退居中
枯淡應天定旨甘或日空不知千載後人有苦心同

其二屬李陽伯喜之

君自馬江上我來鷗浦東相望秋水外獨立夕陽中
沙白長洲出天清積雨空何時携致仲林下一樽同

其三哀景雍堯澤

鷗渚東陵北牛川南漢東眼窮三浦外涕入九原中
大事商量盡危時倚仗空惟餘羣從在心事歲寒同

奉和李叔仁夏氏投示韻

倦鳥南飛雲北歸百年行止是耶非江湖退卧前朝
士城市羈遊老布衣

次啓元寄示韻

居無雜客出無之孤抱苦心人孰悲萬事都輸碁酒
裏江湖不寄一篇詩

右屬德雨韻

青衫白髮一書生滄海悠悠別後情無數輕桴江漢

下老夫乘興欲西行

睢以齋郎方在心州

右屬叔睢韻

愛君憂國等朝垌江上形為澤畔形北望雲山遮兩
眼西流漢水背孤亭

右屬我韻

夜坐壘前韻

罷釣船猶泛憑欄月復明水寒龍正蟄天迴鴈孤鳴
冠冕朝雲闕杯盤集禁城江湖愁獨卧秋夜更關情

石臺垂釣

清風拂石一絲長
憂樂江湖兩自忘
堪笑渭川多事
叟釣魚不足釣文王

拜王考墓

高岫聳寒色中藏
化碧寬入雲孤檜
直歸海兩溪奔
忠節徵千禩仁天
照九原瞻塋增勉
企溪恐忝爲孫

拜先考墓

草根明白露初日
上寒林死栢應餘
淚窮山想苦心
中宵魂恍惚清曉
意凄森一氣兒孫
感洋洋實照臨

由南漢昏後出城

客遊歸意促昏黑
出山城棧路遲遲
下風泉遠遠鳴

石疑人背立螢怯
鬼精明俯看滄江
月金波馬亦驚

尋奉恩寺老釋坦俊相待甚款壘前韻

老僧看舊客一笑
坐樓東聞磬夕陽
裏看山秋色中
村醪沾忽滿園栗
摘應空寂寞江湖
上惟師故意同

再壘

茂樹叅雲上遙山
迤照東泉鳴蒼石
底煙起綠蘿中
定水龍飛靜禪枝
鳥語空微吟下樓
去樵唱暮歸同

江亭對月次圭伯用聖姪韻見寄之作

山月二更吐江波
十里明帆高舟自
上村僻杵猶鳴
歷歷人歸岸蒼蒼
樹繞城閒居遺萬
事難去戀君

情
次李君士固思重寄示之什

老槐禽自語寒渚鴈頻驚風葉鳴仍下燈花落又成
詩文從積債漁釣欲淡盟城內多親友誰知獨夜情

暮望

百草凋霜露荒庭老菊存晴空聞木葉落日見山村
翠壁交雲氣明沙過雨痕城鴉暮爭返日斷更銷魂
士固歸後有賦

送客槐崖迴衡門風自關疎煙冷店樹返照廣陵山
霜葉紛紛下漁舟箇箇還江湖日牢落秋色動衰顏

近得李穉和重協謫居比隣喜拈杜韻共賦

清時如子是名流底事輕投畎畝幽奉使濫騎關外
馬謫居閒狎漢南鷗舟移北岸雲隨棹簾捲西山月
上鉤勝地不須憂薄譴有家可問有田求

乘月訪穉和墨前韻

水澗沙長哀鴈流明湖一面清且幽凌虛仙人待黃
鶴忘機海客親白鷗賈船月夜猶懸帆釣磯霜天爭
下鉤孤亭望北者誰子默禱蒼穹無外求

再疊

落木寒江急夜流月明人倚曲欄幽翩翩舊羨含環

雀泛泛今為下瀨鷗涉世羣譏方木杓謀生自笑直
針鉤新居幸得同懷子義理聊從靜裏求

一作俱

又拈簡齋韻各賦

月白江湖濶天容上下晴圓峯浮浩渺細火點虛明
村杵時聞響沙禽不辨名亭前雙岸幘清影樹間成

伏聞 聖上哭臨 王子喪下懷慘慮之極遂

成兩律示穉和求和

藥院內移日林亭北望心忽聞 王子逝乃有 聖
躬臨想像悲勞極應知傷損淡無由瞻 玉色江漢
夕暉陰

其二

今日已云暮遙天空復心 龍顏應慘憾鳳殿想還
臨羽校千門退衣冠 九關淡終南忽開眼夕燧破
寒陰

穉和夜訪疊晴字

望北孤亭迴終南衆岫晴江清雙月照林缺數星明
負譴應無怨休官敢要名尚期功業晚努力答生成
上之還宮翌日始聞症候別無所添喜疊前韻

悠悠祇孤坐默默若無心 車駕幸安穩神天實衛
臨煩襟輕霧散喜意大江深更倚高亭望餘憂逼歲

陰
穉和夜過拈輞川韻

天廓疎星耿風高數葉過南山烽點少漢水月光多
林露滴清漏石灘鳴暗珂孤亭人望北歲暮動悲歌
仲行雲澤膺湖西左道均田使之 命臨行訪

余於湖上賦此與別

柴門落照逗華輪柳岸微風動釣綸看子弟兄俱許
國愧吾田畝永為民時憂如許誰當了世道何由可
復淳進退各堅忠義志皇天本自有溪仁

次洪良臣錫輔寄示韻

危亭望北是何人戀 主憂時白髮新斯世永孤忠
孝志愧君看作急流身

其二

江湖自合着畸人世路君空事業新莫把遺榮辭祿
節浪拋循國報 君身

其三

遙遙隔水不看人翠壁明沙滿目新詩到欣然如昨
日輕舟欲載病中身

贖申聖與替書狀赴燕之行

北風江漢暮揚波念子遙遙渡鴨河朔雪燕雲寒萬

退溪遺稿 卷一
里不知何處寄悲歌

伏波亭訪良臣次孟襄陽韻

愛子樓臺勝平看冠嶽天欄前雙峙島簷外兩歧川
休沐多流水歸耕有美田凌虛猶遠想身世脫塵煙

和申明遠時直廬見寄之作

朝班承候邈無緣近侍簪珂望若仙退卧江湖君莫
羨危亭自極北辰邊

余方有目疾穉和有耳病率爾吟奉

眼火吾收視耳風子掩聽傍邊空霹靂咫尺眩丹青
鳥譟心虛靜雲飛意寂寞何妨默相對曾內自惺惺

盆梅始開次杜韻

數蘂疎枝坼春光小閣多江湖隨我老風雪奈渠何
影落青編字香添綠酒波城東舊池館雜樹謾嵯峨

臘日

山煙浮白水村遙林日翻紅野霧消斷岸雪埋微有
逕老槐風折半無條朱門美肉霑來客藥裹珍香遍
在朝慣識清寒元我分只憂 廷候隔雲霄

雪終日次老杜韻

浩浩晨江雪隨風暮更紛定知驢背客遙滯炭中雲
落日歸鴉見三更叫虎聞無人和郢曲同我苦思君

雪晴月明再疊

雪晴天宇潤夜色白紛紛獨立槐亭月遙看華嶽雲
冰江寒暗駛村語靜時間病退無人事終難忘 理
君

雪月又疊前韻

喜犬散郊走驚禽繞樹紛江漢三尺雪月出二更雲
絕壁輝輝映遙灘隱隱聞斷橋夜歸客誰是孟夫君
同穉和守歲拈唐人除夕韻

客楚與兒戲病起一時間勝事輕年老清吟忘夜分
林明四隣火江暖五更雲城闕春先入瞻天更戀

君

庚子元日次杜元日韻

滅燈江閣睡暗裏歲行離照耀朝光滿蒼茫斗柄移
城雲泛佳氣溪柳動輕枝鄉黨來加敬霜毛繞領垂
初春明瑞來訪江居復用去秋所拈杜韻共賦
故人與春色隨我又湖邊日暖問垂釣冰開看葺船
煙生豆浦樹雪薄箭郊天村酒三杯足詩情勝去年
葺船新放同上汧汭壘賦

殘雪槐欄外輕風柳岸邊夕陽乘宿醉春水試新船
白鳥爭迎棹青山淡映天何由日携手瀟灑送餘年

泛舟泂泗次輞川漢江臨汎韻

江漢冰初坼輕舟一道通魚跳山影內鷗泛日光中
村柳煙全潤汀沙雪半空醉來詩滿眼春與問漁翁
舟泊鷗亭下步上次謫仙岳陽樓韻

夕照橫高閣春天逐望開華山披雪出漢水帶冰來
嘯詠惟漁艇登臨有酒杯浮波鷗鳥在相伴可無迴

春雨次杜韻

野潤融冰雪大江新水生濃均萬柳色暖入百禽聲
雨過蠹湖近雲開華嶽明想看春早處花氣泛層城

春雨

水滿春江綠林亭細雨來帆船多遠賈花樹可新栽
雲靄南山合乾坤北闕迴朝班承 候潤日暮更徘徊

春日次靖節韻

余病少宦情寤寐好江山微心感 國恩黽勉一二
年難效馬服轅終患魚放淵回顧畿湖內豈無吾舍
田不忍遠遁去遲回江漢間新居且怡悅晨夕北堂
前丘墓亦一境密邇瞻雲煙隔水望先廬隱映高柳
巔況在城市近而有世外閒落日掛終南相見更悠
然

退漁堂遺稿卷之一

退漁堂遺稿卷之二目錄

詩

余自遭重制廢詩已周年矣今日度鐵嶺偶思

昌黎謫潮時贈姪詩及白沙北遷時所作諷

詠之餘遂次兩詩并序。辛丑北謫時

壬寅正月一日滯行曉服寒望 闕行哭自

國哀後於所居朔望望哭行中仍之今日涕

淚自倍於前用高蜀州韻

踰咸關嶺嶺上賦一絕

踰三家嶺嶺上見虎跡

宿北青府次白沙韻

曉望哭

夜夢拜慈闈既覺轉輾不寐賦詩

古站驛村路上

到鬼門關撥幕歇馬

路傍古木

寒食日感痛自倍賦一律

睡覺

贈林君碩均歸京兼示家姪

賦折花

早赴點路吟一絕

睡覺聞鷄起而望哭壘前韻

夜次諸君韻

聖考祥日壘前韻四首

伏讀先朝罪韓社備忘不勝感涕壘前韻二

首

十五日曉睡初醒若將望哭起而息之不復有

望哭矣落月蒼蒼啼鵲咽啾啾轉輾遂不

能寐壘前韻

次諸君秋早韻

次老杜千秋節有感韻二首

閱唐詩見呂衡州竄謫時感貞元舊節之作與

余昨日心境同夜坐悄然聊次其韻

見家書

聖考禫日又墨前韻

次許生濟韻

次李生東彬用唐律韻三首

松簷新撤望見烽火

拈老杜九日韻與諸君共賦

夜夢頗拜慈闈感吟

次唐詩

次李生韻

申生元直震清來見示其所次李白韻而有喬

木語蓋屬意於余也遂次其韻

吟示張李二生

次韋蘇州悼內韻

夜梳頭次王陽明謫居元夕韻五首

夕次杜韻

元直來見喜墨前韻二首

夜夢拜慈闈于新村又登望北亭曉寤轉輾墨

前韻

憶瑞澤亨澤兩姪壘前韻

元直所示三詩中有寄書親庭之作今日寄家書後壘次其韻二首

壘前韻

次元直用李白韻之作

萬祥叔別歸天涯謫館骨肉聚散情緒可知用

孟襄陽韻賦贈

復讀昨來家書壘歡字

忠祥叔次元直用杜韻念行客之作

對月忠元直壘前韻二首

付家書次唐集韻

次老杜同谷縣七歌韻

見燕子次老杜賦燕韻

端午壘去年是日韻二首

夜坐見一螢孤飛次杜賦螢韻

偶閱北關十州誌謹次俞市南謫鐘城時登甌

山韻

白露節夜坐對月詠老杜露從今夜白月是故鄉明之句不勝悽然續成一絕曰少陵詩上

語如道此間情仍誦全篇遂次其韻

中秋日次去年韻二首

又疊去年中秋所次杜千秋節有感韻二首

次聖姪寄示韻

又次其述懷韻

又次其溪漲韻

次肅玉君舉唱酬詩錄中韻

疊次聖姪韻

次聖姪過梨湖作二首

次聖姪 寧陵韻

撤松簷疊去年今日撤簷韻

許昂持詩來示謂余神貌勝昔間頗驚異遂次其韻答之

次老杜秋興八首

疊移字二首

次聖姪入城韻

次杜韻

蔡可遠持新曆來示此今年始見遂賦一絕

先考生辰感痛疊去年今日韻

慈親生辰疊去年今日韻

三日疊去年今日韻

寒食次去年寒食韻

放李生後宗所遺鴈 并序

放鴈後見其鵲畱之所不無依依之思疊前韻

一燕新至有感疊去年所次杜韻

山花盛開如鋪紅錦

羅溪源自京而至相對驚喜賦茂山遠歌以示

次其韻

次聖姪九日韻

次士固寄示韻

六月八日夜坐待鷄鳴望哭疊前韻志哀

次聖姪詠櫻桃韻

撤松棚疊去年韻

除日疊去年所次高蜀州韻

二月二十三日府吏來示營關是今日三日

朝家放余之報也不勝驚感南望四拜口呼

一律

過樂民樓行忙未登遂賦一絕

過京城東門悲喜感激情不自抑下馬展拜疊

在茂山見宥文時韻

退漁堂遺稿卷之二目錄

退漁堂遺稿卷之二

詩

余自遭重制廢詩已周年矣今日度鐵嶺偶思

昌黎謫潮時贈姪詩及白沙北遷時所作諷詠

之餘遂次兩詩并小序。辛丑北謫時

嗚呼白沙七十之年有嶺海之行而其發諸

詞章者壯健之氣忠愛之誠溢於辭表少無

摧沮怨尤之意信乎其功業氣節之卓然也

昌黎詩旨意藹如操守確然結語以收骨托

其姪而其情甚悲夫昌黎有姪隨行而只以

一身托之尚如此今余捨八十慈母獨往數
千里塞外而以老親托於汝則豈不益可悲
乎自有是命老親日夜涕泣而吾猶頑然若
不知痛苦者真木石人耳及至此賦詩吟諷
數回追先朝罔極之德念吾親劬勞之恩
自不覺惻然而感汪然而涕乃知根於秉彜
者不至全喪耳吾平日未嘗不以忠孝自勉
而畢竟被譴離親不免爲不忠不孝之人言
之痛心尚何言哉惟望汝曹各自勉勵母負
吾所托以克成吾未卒之志則吾雖枯死遐

荒無人收骨亦無所恨矣震兄鎮東宗弟鎮

崙安否不能各幅輪示此紙而無或以此紙

所言達于老親以重傷其心也次韓詩曰

茂山西北是胡天遷客嚴程問幾千不恨竄校無返
日此生忠孝更何年雲寒鼎水龍髯外景短萱闈鶴
髮前寄語阿咸休念我晨昏長守箭溪邊

次白沙詩

驅馬悠悠出北關微臣罪大國恩寬乾坤永負
先王德涕淚遙違老母顏歲暮風霜心欲折雲迷河
嶺夢猶難前修此路留詩句峻節孤忠孰與班

壬寅正月一日滯行曉服衰望 闕行哭自
國哀後於所居朔望望哭行中仍之今日涕淚
自倍於前用高蜀州韻

燭殘鷄唱坐無眠追念 先朝涕泣然誰識孤臣北
遷路永興館裏哭新年

踰咸關嶺上賦一絕

峻嶺叅雲勢突然登登一逕上青天如逢玉帝應驚
問謫下胡烏又謫遷

踰三家嶺嶺上見虎跡

猛虎觸機穿脫身走山焚雪上留行跡猶驚百獸魂

宿北青府次白沙韻

策馬黃昏到北青主人一笑出門迎問君被謫緣何
罪遠過鰲城謫去程

曉望哭

天涯去去逐臣悲况復今晨哭望時想像 孝寧溪
殿裏 貳君獻酌百官隨

夜夢拜慈闈既覺轉輾不寐賦詩

去去嚴程遠惻惻思親切旅枕數夜夢分明上堂謁
鶴髮雙垂淚宛如臨門別悲辭與苦語縷縷記不悉
大要毋相念好在待歸日子或不念親親心豈嘗怒

通志卷二
縱知念無益至情終難絕覺來涕泣然曾臆氣欲窒
嶺月照窓明海風捲地烈轉輾遂不寐戒裝待明發

古站驛村路上

已經鰲老曾投地又過重翁舊配城重峯曾
譙吉州今日益
知臣罪大前頭尚有半千程

到鬼門關撥幕歇馬

馬頭青海潤無瀾雲際忽生長白山不有此行無此
觀春風笑度鬼門關

路傍古木

風霜斤斧日侵纏猶自崢嶸老榦堅知有漢根盤厚

地春來生意自油然

寒食日感痛自倍賦一律

令節無人問謫居數村煙火冷夷墟邊城樹綠烏將
子塞水冰開獺祭魚淚入 喬山新雨露夢歸江漢
舊樵漁遙憐舍姪松楸去鶴髮今朝獨倚間

睡覺

睡覺東窓已上曦滿簷春鳥語參差夜來似有萱闡
夢脉脉尋思起枕遲

贈林君碩均歸京兼示家姪

送子遙歸舍姪居為傳吾意慎無疎逢人莫謾談時

政養老之餘讀古書

賦折花

殘藥風沙裏難逢雨露新摧折猶生氣無心媚向人

早赴點路吟一絕

爺孃教我昔何勤名德要為衆所尊今日隻身天一
畔步隨兵點詣官門

睡覺聞鷄起而望哭壘前韻

恍惚夢醒際淒森庭戶間蒼蒼落月下渺渺白雲攀
世道間流水時憂見亂山今晨嶺海哭幾箇舊鶴班
夜次諸君韻

忽見南天月初昇北塞團下階心暗祝母子復相看

聖考祥日壘前韻

忍見天崩日重迴嶺海間廓然衰杖釋邈矣劔弓攀
想像登金殿蒼茫對白山邊州亦會哭吾敢厠民班

再壘

嗚呼 聖考德洋溢青丘間不復夢中近惟期死後
攀衣冠闕清廟香火冷 喬山縱有南歸日長違一
哭班

三壘

風雷與日月四十七年間 宗國終應賴神功不可

攀洋洋臨下土慘慘泣窮山異數臣偏受長懷忝邇班

四疊

強收眼中淚遙望白雲間日出欣如見天高竟莫攀
餘生一隅地獨立萬重山去歲今晨哭千官接外班

伏讀 先朝罪韓社備忘不勝感涕疊前韻

聖考忠邪辨昭茲一札間由來長慮在何獨異 恩
攀日月掃雲霧魍魎逃藪山窮荒和淚讀恍惚侍前
班

再疊

隆福淡淡殿曾陪咫尺間淚霑 恩綍奉身得 御
床攀萬事非前日孤臣獨此山瞻號亦已矣雲遠舊
趨班

十五日曉睡初醒若將望哭起而思之不復有
望哭矣落月蒼蒼啼鵲咽戲欵轉輾遂不能
寐疊前韻

睡覺將晨哭披衣起戶間還驚過 祥制不復有號
攀落月鵲啼樹淒風魅嘯山遙悲禁苑曉寂寞輟哀
班

次諸君秋旱韻

建德道和卷二
淒風赫日孟秋天稼穡將荒塞上田莫是灾徵緣我
罪先賢所過每豐年

次老杜千秋節有感韻

忍見喪期盡仍逢 誕節來孤臣猶不死萬事已成
埃天上無生日人間有冷灰面南曾受幣望北舊登
臺夢寐今何得風霜又此回少陵詩句在如寫我心
哀

其二

聖考虹流節邊天秋氣高湘潭泣芳草瑤殿夢仙桃
簪華曾螭首掌綸皆鳳毛神機裁利刃明鑑見纖毫

幾獻千年壽空餘四紀勞何時漢江上復看靜風濤

閱唐詩見呂衡州竄謫時感貞元舊節之作與

余昨日心境同夜坐悄然聊次其韻

秋夜淒淒霜滿墀白雲明月影離離孤臣淚落千秋
節恰似衡州舊謫時

見家書

苦待親闈信憂煎日復夕見書意頗豁見罷憂還劇
遠書多慰辭安否難真的道里何處絕書來動經朔
書發時縱安書後焉能識徃徃字墨清認是淚點滴
旅館奉書泣撫躬訟罪惡事親未竭力事君安犯

觸去國又離親痛恨復何益寄語人子者負米莫干
祿

聖考禫日又疊前韻

滿眼新霜露悲吟隴水間今晨亦已過何處更號攀
至治無東土窮荒有茂山北風將淚去應灑 廟庭
班

次許生濟韻

隴雲蕭瑟隴波忙秋葉飄飄滿地黃落落孤松陰翳
日踈踈老菊氣凌霜居人阡陌驚風色遠客關山望
月光閉戶讀書者誰子心安陋館若華堂

次李生東彬用唐律韻

滿眼皆胡宙推腸是隴流烏啼青血迸龍去白雲收
鵬賦長沙岸離騷楚水洲茫茫千載下一般戀君愁
再疊

三疊

擊劍胡山小長江眼底流狂奴運未訖義士淚難收
古塔風腥穴漢河血滿洲何由一蹴掃永慰 祖宗
愁

松簷新撤望見烽火
松棚撤去見天多紙戶虛明納日和更看烽臺傳夕
火此身如得到京華

拈老杜九日韻與諸君共賦

木落天清塞野寬登高佳節幾人歡獨醒不用憂無
酒淡坐何煩笑墮冠眼逐南鴻穿暮炭心同北菊恂
秋寒愁來強把詩排遣愁在詩中未忍看

夜夢頻拜慈闈感吟

離別關河歲月淡慈顏夜夜枕邊臨頑冥已絕生人
理夢寐猶存赤子心

次唐詩

塞雲冥漠雨霏微旅館無人獨掩扉歸思每添明月
裏今宵無月益懷歸

次李生韻

遷客思歸嶺海間每看明月當慈顏今宵病枕難成
夢卧聽秋聲塞上山

申生元直震清來見示其所次李白韻而有喬
木語蓋屬意於余也遂次其韻

喬木風霜恁中成螻蟻家危根嚙野水飄葉混泥沙
不復干霄氣能開滿眼花明堂材未乏委棄不須嗟

吟示張李二生

張齊說
李東榮

陸公閉戶不通賓蘇子焚毫廢作文始知 聖世寬
遷客一榻題詩對兩君

次韋蘇州悼內韻

我來關塞後頻頻夢我良天涯與地下無間昔同堂
精神有感通不信子今人生時隨謫願遠鳥暨絕崗
我揮曾邈邈子誓向蒼蒼誰知蘭蕙質凋落先秋霜
我身在死生子魂想悲違依依寤寐間黯黯涕淚光
開門望家山今日益淒涼况有所慟惜結在我心腸
平生畏友視肅然整冠裳雖知後同歸此意竟何忘

夜梳頭次王陽明謫居元夕韻

漁舟一繫柳邊臺江漢驚濤尚殷雷千里關河惟夢
去萬山冰雪又春迴眼花對燭紛無數頭髮臨梳短
可哀旅枕睡回聞鼓角却疑魚鑰禁城開

再疊

昔持彤管入銀臺新奉 恩綸鼓震雷白日 威顏
眸眩轉香煙 御座袖携迴江湖鷗泛雲天遠鼎水
龍歸風浪哀陰谷閉門春不到玉欄何處百花開

三疊

獨夜孤城月上臺誰家迎鬼鼓鳴雷江寒北雪龍猶

迎海遺稿 卷二
蟄書斷南雲鴈未迴枕上詩成多自恨燈前睡起有
餘哀蒼茫不識遙天意幾度推窓望曙開

四疊

孝廟曾臨禁苑臺暗中神筭鼓風雷餘光日月
崇禎在間氣山河大老迴一席從容天下計百年齋志
海東哀如今縱見胡窮運誰復燕雲唾手開

五疊

身似孤雲宿野臺心同老木飽霜雷關山霽月愁邊
出漢水春風夢裏迴舊事思來無一喜新詩詠罷自
千哀床頭自在雙壺酒不飲惟教客到開

夕次杜韻

炊煙南郭遠山昏殘雪東崖返照痕汲女多歸籬外
岸樵人半入水邊村荒郊望極曾來路旅館愁生獨
倚門簷鳥林鴉棲各定天涯曛黑每消魂

元直來見喜疊前韻

紙障藁圍書尚昏油窓土壁凍留痕青春鳥語空高
樹白日鷄聲自僻村病裏鄉心愁伏枕客來詩話喜
開門爐香細上樽醪薦忽覺招還寂寞魂

再疊

大漠風沙白日昏胡山六月雪冰痕五嶺外餘千里

路萬山中有數家村時來客自思南國土着人猶陋
北門誰識逐臣孤館裏百憂多病喪精魂

夜夢拜慈闈于新村又登望北亭曉寤轉輾疊

前韻

睡回孤館尚幽昏病枕淒涼淚濕痕望北依依臨水
榭終南歷歷倚間村青春不到黃沙磧白日能開幽
谷門寄語林鴉休夜叫恐驚羈客枕邊魂

憶瑞澤亨澤兩姪疊前韻

北風吹雪別違昏一笑猶餘兩淚痕傳札不愁疎驛
使讀書遙喜得鄉村視吾向日尊師父望汝他時大

戶門努力勿為沙塞念夜臺無數泣煩魂別時兩姪

日人不可不剛腸汝輩見人之謫尚如此其能辨
得伏節死義於談笑間乎兩姪收淚故首句及之

元直所示三詩中有寄書親庭之作今日寄家

書後疊次其韻

忍淚排行細留心作字安別來千里望書去百回看
亂草應憂疾呵痕恐念寒緘封密密去送作片時歡

再疊

今日寄鄉信何時定報安封隨飛雪去展拂落花看
豈慰慈心苦徒添望眼寒兀然空遠想羈抱慘無歡

疊前韻

默念鄉居計驪江事事安病復醫路近窮可食根看
魚菜堪扶老蠶綿足禦寒文朋與親戚情話且追歡

次元直用李白韻之作

村暝歸人盡窓間獨客愁江空孤月在塞澗大星流
天地身如葉風霜鬢欲秋故園春色滿時向夢中遊
萬祥叔別歸天涯謫館骨肉聚散情緒可知用

孟襄陽韻賦贈

愁緒春雲亂蒼茫何所開告歸疑一夢惜別語重來
客路天磨嶺邊林雪作梅漢城花柳滿應復待吾迴
復讀昨來家書疊歡字

汝勿相思苦吾今一向安天長猶夢會地遠亦書看
童稚供諧笑婦孫視暖寒只祈遷謫地處若侍前歡
思祥叔次元直用杜韻念行客之作

離日多愈悄歸程笑漸賒今朝過端吉南北別茂華
嶺雪磨天積春楊曲驛斜江潭回首望千里香風沙
對月思元直疊前韻

野老送新酒盈壺不用賒故人猶卧病春物自生華
明月天涯滿青山郭外斜相思聞夜角孤鴈起圓沙
疊

二月三山雪寒雲萬里賒沉沉恒晝晦颯颯靜春華

蟄穴魚龍動喧風鴈鷺斜乾坤盛陰氣不爲近胡沙

付家書次唐集韻

松柏樊川隴青春寂寞歸塵沙關外漲雨露夢中輝
柳水頻寒食湘潭舊製衣東風新涕淚灑向故山飛

次老杜同谷縣七歌韻

昔瞻先朝文物美天上雲韶聲滿耳朝持彤管金
殿側夕橫黃卷銅闌裏江湖關塞須臾事枯木蕭條
寒灰死嗚呼一歌方聲正哀蒼梧山遠暮雲來

其二

聖人手握活民柄窮達死生惟天命東西南北不煖

席山陸泥水無毛脛彼猶或遇或不遇閉門寧守陋
巷靜嗚呼二歌方今遠放獨立北風時流悵

其三

遊固有方養無方遠離胡爲二年強不怕窮山豺穴
險只愁高堂鶴髮長生我劬勞不得力隣家衆雞在
毋徬嗚呼三歌方淚隨發觀者爲我悽心骨

其四

有兒新得遽生離汝身幼弱汝妹癡方識先人海島
中六年思我兄弟時汝面依依入我夢我心搖搖逐
風旗嗚呼四歌方苦調奏邊沙塞雲昏白晝

其五

樓院門外風雪急握手離淚兩臉濕追憶我伯送爺
謫將毋悽遑年未立我勿無如今始悲汝又當家百
責集嗚呼五歌方怨曲長此身何日得還鄉

右屬
聖姪

其六

白頭山頂有巨湫山下老樹相蟠膠奇壯詭特不可
狀開闢以來幾人遊謫居咫尺如萬里願一見之心
豈休嗚呼六歌方春事遲隴水關山淡無姿

其七

孤臣萬死投荒若終老二年不踏門前道有眼未見

天地大侵肌但覺冰霜早豈無新知來相慰強歡安
得一開抱嗚呼七歌方歌七曲滿林花鳥春意速

見燕子次老杜賦燕韻

遠謫三山再送春又看雙燕入簾新喃喃語似憐孤
客款款情如向主人胡鴈已成千里別羈禽同託一
枝身秋來關塞風霜早養子歸時淚滿巾

端午疊去年是日韻

三載天涯放逐身端陽風雨更愁人絕知千里陰晴
異尚念先塋薦豆辰

再疊

一介先朝近侍身
兩年今日未歸人
淒然塞雨江風裏
泣想宮中寫帖辰

夜坐見一螢孤飛次杜賦螢韻

謫館無人問流螢
入戶飛光生腐草
葉亂點弊荷衣
自有不欺性休言
獨照微故山應引
路吾或及秋歸

偶閱北關十州誌謹次俞市南謫鐘城時登甌

山韻

孤絕甌山北昔登
俞市南江潭高興
趣嶺海大包含
遺跡十州誌鑄名
萬古巖羈囚空悵
望無路訪禪庵
白露節夜坐對月
詠老杜露從今夜
白月是故

鄉明之句不勝悽然續成一絕曰少陵詩上語

如道此間情仍誦全篇遂次其韻

秋雲疎復行秋水
遠猶聲獨立柴門
內愁看塞月明
鄉園書素斷霜露
鬢絲生歲晚君民
志空隨赴點兵

中秋日次去年韻

獨樹柴門立晚空
蕭蕭落葉響邊風
故園萱草誰勤
護祗恐清霜早
炎中

壘

人世千秋舊節空
月宮仙樂散悲風
孤臣淚落隴頭
水歲歲黃沙白
草中

是日辰聖

又疊去年中秋所次杜千秋節有感韻

異域三年謫茲辰再度來人間空白日地下分黃埃
斗晦曾回電心寒已死灰龍飛悲鼎水塵伏夢靈臺
只掩看花淚寧期賜燭迴北風歸白鴈天末數聲哀

其二

聖節堯尊祝南山只獨高世空三島藥天惜萬年桃
履位兢淵谷憂民變髮毛忠邪嚴袞鉞誠偽析絲毫
自愧孤 恩德長哀崇瘁勞秋風聽隴水嗚咽起寒
濤

次聖姪寄示韻

獨坐思鄉里吾親倚炭扉淚隨南月滿心共北風飛
平日晨昏曠危時仕宦非汝曹空我戒竭力報春暉

又次其述懷韻

獨立江潭上風霜凋蕙蘭千悲與百憂回腸又摧肝
忽得阿咸書來經嶺路曼書中更有詩紙長移晷看
憶昔樓院別北風雨雪寒汝拜視吾面回頭興暗嘆
我起握汝手忍淚強自寬上念白髮親心如中毒丸
知汝事吾母日夜誠能殫骨肉分千里何以令母歡
別後南來報擾擾同戈干帆檣日漂沒風浪湧急灘
喜汝謝城市盡室隱林巒先隴幸密邇溪谷好旋盤

春秋奉俎豆朝夕樂瓢箪祠板就墓屋神理庶相安
不知新構室能免風雨搏澗山無親戚念母窮且單
山市魚鹽少鄉村醫藥難天涯望子淚朝暮應不乾
我在豆河上形容已凋殘名隸謫戍籍一月兩赴官
布褐弊猶着粟飯粗可餐杜門不敢出隨分耐苦酸
自別慈母顏三閱歲華闌羈心恻冰雪歸夢阻風瀾
卻悔不自量夙歲廁衣冠竭言論典禮隨意事駁彈
不仕愧漆雕學步笑邯鄲退未効疏張進未做莘磻
徒有胷中氣鬱鬱斗牛蟠終然去君親有淚空溥
溥羨汝山野間百年謝塵譴萱楸蔭階庭松菊繞簷

欄醉眠倚鳥几行吟據馬鞍膝橫淵明琴手持子陵
竿狎鷗傍煙渚馴鶴坐松壇秋熟四野黃霜酣萬壑
丹應憐北塞客腸斷隴水湍平生致澤計到今空見
謾汝叔已誤身望汝名德完詩書我家業要在擴四
端世間禍福境卻向度外觀

又次其溪漲韻

遠聞溪水漲江漢比何如浮海志空大觀瀾術莫疎
學空先孝友間且讀詩書盈酒看溝澮前修恥聞譽
次肅玉君舉唱酬詩錄中韻

吾弟與吾友湖亭長對眠渠兄俱謫遠爾輩醉忘年

進道和 卷二
釀取鴨頭水沽須鵝眼錢相謀多置酒歸日共陶然
君舉洪友錫輔字也方寓其伯良臣亭
與肅玉所寓吾亭相隣良臣方謫南島

曼次聖姪韻

朔氣連山郭秋雲冷野扉危樓風四撼喬木葉孤飛
塞外三年謫人間萬事非一心餘耿耿猶欲駐斜暉

次聖姪過梨湖作

驪湖昔買三間屋世念平時久已灰誰謂江潭愁放
逐永慚田里賦歸來可憐花木樵兒折自在柴門野
客推吾姪詩來聞過此秋風立馬獨徘徊

其二

詩來滿眼梨湖水二椽陰中一草家爾自到門題鳳
字我曾臨岸聽漁歌青楓紫塞秋霜早烏帽紅塵晚
景斜惆悵兒曹過逢地獨留松桂蔭山阿
二椽名瑞亭

次聖姪 寧陵韻

尊周義不盡人說 孝宗長江漢千年碧喬山萬古
蒼流風觀廟德遺志薦壇香未共 君臣享荒涼萬
義岡

撤松簷曼去年今日撤簷韻

淡室炎天爽氣多短簷秋日忽暄和涼溫取適踰吾
分成毀隨時感歲華

許昂持詩來示謂余神貌勝昔聞頗驚異遂次
其韻答之

疾病飢寒命合休驚聞顏髮勝今秋恬怡豈有涪陵
力憔悴曾無楚澤愁

次老杜秋興八首

邊聲薄暮動千林朔氣淒寒風肅森大漠浮雲多斷
續孤城落日半晴陰烽煙遠送思鄉眼隴水長推去
國心遙想漢都明月夜玉關情入萬家砧

其二

平遠亭前澗水斜石崖秋景勝春華微霜着樹紅翻

葉細雨霑梅翠擁槎溪日爭搖漁子釣野風清喚牧
童船孤城九月邊寒重不見黃花見雪花

其三

陰谷不知白日暉溪居生意漸消微忽聞卜冊周龜
吉遙見赦書漢駟飛一氣和時應復善萬機親處孰
匡違孤臣枯死猶無恨膏澤均霑八域肥

其四

可憐零落局中碁生死紛紛只自悲座上俯看真一
笑目前相勝不移時驛書江左推枰緩羽檄興平下
子遲翻覆世間事如此古人成敗不勞思

虛齋日夕見寒山散步微吟庭戶間目送飛鴻歸上苑
苑心同羈馬望鄉關龍波得雨添新響塞草迎霜變
舊顏惟有月中千里夢首簪彤筆侍臣班

其五

其六

詞賦平生浪費功謳吟暮歲茂山中屈原怨調青楓
岸宋玉悲歌落木風浮世等閒雙鬢白寒宵耐久一
燈紅淡齋獨抱遺經坐永憶巖居註易翁

其七

終南山足漢湖頭萬畝蕪菁九月秋千里採來當歲

暮數根看去益鄉愁斲青夜聚東郊馬啄白朝喧北
渚鷗忍見老親封裹處淚痕點滴到邊州

其八

永思齋外樹逶迤新得芙蓉種小陂梨栗園多先故
植栢松阡長子孫枝露晨起數花房坼夕照耽看蓋
影移別後舊山遙黯黯夢中秋實亂垂垂

疊移字

青門沙路潤逶迤尚記看蓮下馬陂綠泛橫連波荇
帶紅開交映片花枝折歸堂上香逾淨持挿壺頭色
不移昔日繁華如一夢胡霜塞雪鬢邊垂

再疊

天寒隴坂慘逶迤百里荒茅覆萬陂
早畝少收空滯穗霜林無實只踈枝
山溪猛虎村村下澤竭鳴鴻岸岸移
嶺外思家憂國涕窮年更爲塞民垂

次聖姪入城韻

謫遠知吾罪安貧乃爾常
近聞尾盆醉應作竹林狂
城郭來何事田園老不妨
階萱當歲暮珍重護寒霜

次杜韻

一帶長江水華夷界此分野
空南牧馬秋靜朔方雲
塞月虛弓影邊塵宿劔文
寒城歌管熱醉卧李將軍

蔡可遠持新曆來示此今年始見遂賦一絕

誰將新歲曆來展
逐臣堂不問天恩赦
惟看日短長
先考生辰感痛疊
去年今日韻

樊山松柏繞齋祠
雨露濡時愴遠思
獨立天涯無限
淚每年今日一篇詩

慈親生辰疊去年今日韻

睡起淒然憶故鄉
三年此日隔萱堂
惟將萬壽中心
祝留醉春風小子觴

三日疊去年今日韻

萱室起居近若何
塞寒南鴈未回過
四年淚向天涯

積三日詩成客裏多
龍樹春容花絮寂
胡山愁色雪
冰和遙憐舍姪樊
川岸晴晝垂竿弄
碧波

寒食次去年寒食韻

非官非客亦非居
底事行吟鞅鞅墟
今日又寒茂城
食幾年空憶漢江
魚人間至樂違忠
孝林下閒情負
釣漁遙想阿咸先
隴下祭餘歸謁退
村間

放李生俊宗所遺鴈

并序

夫鴈有雲霄之翼而不能色斯而舉見擒於人何耶其為稻梁所誘而蹈危機者耶其偶然為罽羅所襲而非其取者耶是不可知也

雖然玩物非我心也耗穀亦非分也又哀其羈囚而不得展逸翮有似於余故使奴人集鳥羽補其翼之剪傷者而放之鴈翩翩然蹻蹻然低翔越籬而去恐其墮地而為人獸所害也使人往視之鴈無焉蓋已遠舉矣禽鳥之被捕也或登於鼎俎或困於囚繫乃其常也而是鴈經虞人之手經李生之手而至於我凡三閱人而竟脫焉者雖在微禽其亦有幸不幸之數寓於其間耶為之一笑遂次唐人詠鴈韻

翠壁明沙豆岸迴春流處處碧
苔今朝解爾籠中
繫一任江湖好去來

放鴈後見其繫留之所不無依依之思
墨前韻
鴈去天邊不復迴舊巢餘粒散庭苔
旅窓斜日依依
望何處煙沙自往來

一燕新至有感疊去年所次杜韻

乳燕和鳴廣夾春吾親堂上感懷新
啣泥巢處傷羈
寓將子飛時望遠人投食可憐齊
仰哺繫書難借一
翻身何時歸聽簾前賀低拂頭邊白葛巾

山花盛開如鋪紅錦

千山花氣遠浮紅北塞春光南國同
勝觀得非踰謫
分開門身在錦屏中

羅溪源自京而至相對驚喜賦茂山遠歌以示
次其韻

茂山遠遠憶疇昔漢城里漢城里中太平春
春風淡
蕩荷塘水詩綫酒杯紛紛處竒士高朋
袞袞至勝遊
如今一夢空柴門獨掩關河訖何來門外
喚我聲倒
屣出迎一驚喜三年不見故鄉人不意吾
君今到此
知舊年來半死生語罷驚定空涕淚且置
不道惟一
笑滿山花鳥春風起新詩莫唱茂山遠目
極南天夏

愁思

次聖姪九日韻

九日黃花酒秋光幾故園詩來楓樹岸人隔竹林樽
歷歷樊丘木依依甲里門邊霜凋冷藥能有晚香論

次士固寄示韻

死別生離淚居然歲美繁朝廷半嶺海家室各鄉村
草樹樊川長雲霞錦水昏遙遙一天末門閉豆江源
六月八日夜坐待鷄鳴望哭壘前韻志哀

幾度逢今日孤臣尚此間蒼茫晨望哭恍惚昔瞻攀
哀響隴頭水愁容塞上山惟聞豺虎嘯不見鷓鴣斑

次聖姪詠櫻桃韻

樊炭廣園中櫻桃幾百叢端陽依舊熟清曉薦新紅
千里詩空見三年祭不同半生孤露感衰淚九原通

撤松棚壘去年韻

沙塞流遷歲月多幾回秋冷與春和松棚已見三成
毀恠我髭鬚尚未華

除日壘去年所次高蜀州韻

燈下羈愁不暇眠雪風虛館夜凄然孤臣故里三千
里偏毋明年八十年

二月二十三日府吏來示營關是今日

朝家放余之報也不勝驚感南望四拜口呼一
律

宥旨遙傳豆水濱初聞不覺淚霑巾再生得見老親
面萬死那酬 明主仁感極向南惟拜手悲淚投北
若終身歸鞭催拂三峯雪驛路千花萬柳春

過樂民樓行忙未登遂賦一絕

遠接關塞久羈留此去江湖復退休憂樂斯民非我
責何妨不上樂民樓

過京城東門悲喜感激情不自抑下馬展拜疊
在茂山見宥文時韻

復見南山漢水濱東城花柳照衣巾益知宥罪吾
王德更泣昭証 聖考仁庭陛今無趨謝路江湖昔
已退休身歸途一望都門拜願享昇平萬壽春

退漁堂遺稿卷之二

退漁堂遺稿卷之三目錄

詩

夏夜對聖瑞兩姪及李生東彬拈杜韻各賦

申判書鉅輓

次兒輩和柳州江雪韻

次兒輩春江小船韻

題令姪所藏畫帖四首

樂村臨歸李幼安兼奉用余前韻以贖遂次之

賜袖用兒輩韻

次姪孫相肱詠畫篋韻二首

余以所居水土之疾將移驪之沂川李生九成
當隨舍姪入京有悵別之作卻次

舟行記興

仁祖大王遷陵輓

仁烈王后遷陵輓

沈生鎰輓

次崔都正柱岳韻

看耕

冠江亭次韻

桃川次唐絕六言 三首

合江亭奉次農巖三淵韻

舍邠寺與申明瑞洪虞瑞鳳祚拈杜韻各賦

次虞瑞韻

偶成

甲寅二月發關西行踰嶂峙

馬上口占

龍川途中

長壽山城龍湫

路中憶宋聖章必煥

望朴判書世堂舊居吟一絕

北遊至叢石亭下舟訪穿島仍登喚仙亭

元山觀漁適得安邊守詩札率爾答之

歷瞻 濬源殿及 本宮

乙巳歸自茂山路過咸興而離親情理不暇登

樂民樓祗賦一絕曰遠投關塞久羈留此去

江湖復退休憂樂斯民非我責何妨不上樂

民樓今登樂民樓對按使誦前詩按使曰詩

不無怨意空疊賦以解之遂次前韻按使李公箕鎮

甲山途中

三池兩絕

夜宿瞻脂峯下

登白頭山絕頂二首

撫夷鎮登高望八池

行至慶興伏奉副學 除旨及 召命及歸到

茂山間有逸差之 命且間 筵中以臣遠

遊至擬以方外之士不勝感悚謹賦一絕

僧巖呼韻

歸度咸關嶺

扇墜水中戲作

雙龍寺

梅鶴亭次玉山韻

過冶隱遺墟碑次魚浪仙韻

陶山書院

蓮臺寺夜作草書

覺華寺次申正甫靖夏韻贈倫上人

孔淵

贈別李君元靈麟祥

與朴生鯨觀日出

七佛寺次三淵韻

南溟雙刀尚在其後孫家其柄一刻內明者敬

四字一刻外斷者義四字皆先生手筆也

換鵝亭戲題

訪蘇處士凝天

學士樓

謁一壺齋書院謹次退溪韻

登星州城

過華陽洞

還家

崔東萊子亮命相輓

明瑞訪君範向州村翌日當歸夕後散步門外

有一客騎馬渡溪初以為明瑞至則君範明
瑞亦追至共說其來時作卻次

與君範有翫月壁寺之約久矣六月十六日早
起偕明瑞渡江馬上疊前韻

雨夜明瑞留宿仍懷君範次蘇齋韻

與明瑞觀漲懷君範拈老杜江漲韻各賦
耐老窩感舊

七月既望夜溪雨霽與明瑞君範向壁寺舟中
拈杜韻共賦

又拈李白鳳臺韻

與明瑞洪盛仲晉猷徃州村歸路捨馬登舟到

楊花津任擇夫選諸友挈釣舟相待笑詫漁
趣仍誦其詩卻次

天安途中追思戊申春奔問時事有作二首
仍以其時所聞見及平素所慨惋者疊賦五首

拱北樓次板上韻
又次舟字

自神院寺出山路得朴珍山弼文投示作卻次
林川玉谷拜疎齋墓壘今春南海絕句韻

白馬江次趙熙甫緝韻二首

飛飛亭次板上韻

金山寺用唐人金山寺韻

三窟三絕

臨行奉地主金正叔時教

登廣寒樓感吟

喚仙亭

路上遇漁子網魚駐馬發視之小鮒百餘鮮新

可觀問其直不過二文錢遂加一文以買

忠愍廟次板上忠武公韻

倭臺

樂安郡曉發向澄光寺

次萬德山白蓮寺林石川韻并小序。三首

偶吟

望漢挈山

夏訪松江月夜登湖亭次伯雨春澤題壁韻

鳴梁歸路歷登鼎串寺靜海樓太平亭望海樓

到伏波館與水使成殷錫虞侯金碩屋觀射

平明登舟乘潮向珍島水使來別船頭

寶城郡思舊守尹景平心衡次其題客館詩

曉向格浦

登格浦烽臺壘前韻二首

石窟

次寄鄭汝楫 弘濟

歸路尋白蓮庵次明坦上人所次柳州韻贈之
李持平子三台重次余韻見畱靈巖卻和以寄
水原道中追憶戊申奔問時失馬步行之事壘

去秋南行時韻

拜尤庵墓

渡大津

瑞山大橋村吟奉金台德裕有慶○二首

次明瑞韻曠前展甫拓基再按嶺南之行

金穉明時繁謫高原投示其踰嶺時所次白沙

韻一律及翻白沙歌一絕要余和之余嘗於

北遷時亦有次是韻翻是歌之作今得穉明

之詩諷詠再三想像其去國之悲戀 君之

愁殆若身復當之也遂次韻以寄

靜觀齋李先生延 謚宴先生曾孫伯訥敏輔

有詩索和和之

相肱墓

普德窟

三日浦次簡易韻

繼祖窟

鏡浦臺敬次 肅廟御題韻

臺下船遊再疊

竹西樓敬次板上 肅廟御題韻 二首

佛影寺次板上三洲韻

出山知有副學新 命

盛仲間尹汲韓翼暮兩學士遠謫歎而有吟見

寄卻次二首

退漁堂遺稿卷之三目錄

退漁堂遺稿卷之三

詩

夏夜對聖瑞兩姪及李生東彬拈杜韻各賦

不道與渠輩今宵登此樓微微槐月上淡淡野雲浮

問字來新客垂竿有舊舟滄桑入世事都付水東流

申判書錐輓

直節孤忠曾或有 贈官宣謚近尤多看公隻手扶

宗社九十夷然渡海波

次兒輩和柳州江雪韻

江閣北風寒孤燈明復滅寂寥樊岌中誰掃墓前雪

次兒輩春江小船韻

時憂世變歲俱新病卧江湖又見春斯世已孤濟人
志小船春水試經綸

題令姪所藏畫帖

岸樹花爭發春江水自波佳處知無限幽人不在家

其二

山下一茅亭亭臨高樹杪中有忘機人前陂下幽鳥

其三

雲樹重重溪孤舟何處客隣人持酒來疑是桃源夕

其四

湖平風帆散野濶漁村孤思添樓百尺揭作岳陽圖

樂村臨歸李幼安兼奉用余前韻以贖遂次之

霜菊笑留人寒溪鳴送客出門屢回頭山逕獨歸夕

賜柚用兒輩韻

東岡迢遞隔西方仙實何來落地黃拜 賜頭邊迴

北斗開包手裏灑南霜未承 顧問登丹陛遠被

恩頒忝玉堂留待朔朝供廟薦一雙珍重帶 天香

次姪孫相肱詠畫筵韻

一鴈仰含荻花秋一鴈俯啄水草洲冥冥意在雲霄

外縱有虞人不可求 右蘆渚雙鴈

落落雙松對作林林間二老坐清溪相看不語招無
答意在高山流水琴

右松下二老

余以所居水土之疾將移驪之沂川李生九成
當隨舍姪入京有悵別之作却次

郊原昨夜雨如期草木熙然共化時憐爾辛勤何所
得悲吾窮獨有相離山泉不似人情厚巢鵲應先主
意知好去漢城須篤學詠歸沂上夏追隨

春間鵲巢
庭樹巢既

成而棄去
故第六云

舟行記興

春水無風鏡面平春山向日畫圖明中流一棹悠然

去兩岸花林百鳥鳴

仁祖大王遷陵輓

天為艱虞出 聖王宗祊再造正倫綱乾坤忍痛含
冤意簡策深仁至孝光東土百年懷舊德西河八月
改新岡 神孫世世遵嘉範陟降於昭在帝傍

仁烈王后遷陵輓

恭惟 仁烈內治懿德周家十亂存修苑役興愀
玉色覆舟圖揭進箴言陰功夙贊 龍飛日靈駕同
遷象設原行看絲絲瓜瓞慶 嗣王殿下聖玄孫

沈生鑑輓

長才短策茫理老母青孀寂寂門猶有乳兒傳後
事也知君沒勝吾存

次崔都正柱岳韻

驪岸歸來理釣船新齋寄在水西偏春波渺渺連清
漢扣柂高歌待老仙

看耕

山村白日靜柴荆時有林風拂面清騎馬晚來渡溪
去野田間看木花耕

冠江亭次韻

高亭百尺坐如天春水冰開老檜邊俯視雙鳧閒泛

泛此心隨汝共悠然

桃川次唐絕六言

溪入千重山水忽看數十村家他時却恐迷路分付
多種桃花

其二

樂土我爰得所衰年便欲移家秋日村村黍畝春風
樹樹梨花

其三

何時惠好携手是處歸來作家一卧白雲明月間看
落葉開花

合江亭奉次農巖三淵韻時主守來送余入雪
嶽坐有笛童簫客

江合雙流處亭成十字奇排簷高下樹揭壁古今詩
雪嶽浮蒼翠寒溪漾綠漪半生宦情盡茲照尚堪為
舍邠寺與申明瑞洪虞瑞鳳祚拈杜韻各賦
古寺山回處寒天客到門讀碑蒼蘚落看塔白雲翻
塵事郡城隔道心迦葉尊夜來添爽氣圓月上東園

次虞瑞韻

我愛洪虞瑞高標世罕看 聖朝做平蕩散地占清
閒鄉社時尋友江村晝掩關明年春色至携手入香

山

偶成

子兼臨晉帖明瑞抄唐詩我獨倚床睡客來渾不知
甲寅二月發關西行踰嶂峙

時平朝士混漁耕未試經綸鬢已星匹馬春風橫劍
去壯心先上統軍亭

馬上口占

民憂哀哀幾時了世事紛紛逐日生不如抽得吾身
去閒倚青山綠水行

龍川途中

退海遺稿 卷三
忽失春三月行窮地一隅寒風度沙磧夜雨洗荒蕪
朔氣山麓厲邊聲水咽鳴居然意豪壯西去欲平胡

長壽山城龍湫

石崖中坳瀑流懸下有澄潭似月圓僧道白龍溪處
伏時乘雲氣上青天

路中憶宋聖章

必煥

浮世紛紛慣送迎客中離合最關情忽看九月山光
近重憶平山太守行

望朴判書

世堂舊居吟一絕

山前溪水繞柴門聞昔判書居此村借問閒中何事

葉至今千樹栗盈園

北遊至叢石亭下舟訪穿島仍登喚仙亭

危欄面面石叢叢移興滄波倚短篷弄玩東溟一杯
水去來穿島半帆風平生勝賞斯為最垂老重遊意
不窮沙岸觀漁乘晚罷喚仙亭上喚仙翁

元山觀漁適得安邊守詩札率爾答之

得意平生最此遊巨溟東北冠青丘元山日暖排魚
網呂島雲晴見蜃樓放盡乾坤千里眼洗空塵世百
年愁鶴城太守知清趣詩札辛勤到海頭

歷瞻

濬源殿及本宮

豐沛山河繞故宮興王佳氣鬱葱葱浮雲尚帶飛揚
意想像 臨筵詠大風

乙巳歸自茂山路過咸興而離親情理不暇登
樂民樓祗賦一絕曰遠投關塞久羈留此去江
湖復退休憂樂斯民非我責何妨不上樂民樓
今登樂民樓對按使誦前詩按使曰詩不無怨
意宜疊賦以解之遂次前韻按使李公笑鎮
閒雲倦鳥去還留橋下川流幾日休廿載江湖憂國
意白頭今上樂民樓

甲山途中

炎天冰雪隨山有白日蚊蟲動地來尚看春色同南
土一路繁香巧藥開

三池兩絕

白山眼中迥三池脚下平不知開闢後幾人此間行
其二

一鶴自何至盤回雲木間明朝吾駕汝飛上白頭山
夜宿臙脂峯下

泥行露處無人境興入仙山自忘回夜到臙脂峯下
宿九天笙鶴夢中來

登白頭山絕頂

上頭中坵壁四圍深可千尋周百里攢峯峭石紛無數下有泓渟巨潭水

其二

初看眩駭又叫奇偉哉造化功如此東海三山皆下風不識崑崙更何似

撫夷鎮登高望八池

雨後雲埃淨塞天登高北望八池圓何時朔野為王土去賞秋風五色蓮

行至慶興伏奉副學 除旨及 召命及歸到 茂山間有遮差之 命且聞 筵中以臣遠遊

至擬以方外之士不勝感悚謹賦一絕

纔驚 罷命到遐裔旋禡華街安野心 聖主許為方外士優遊山水荷 恩渙

僧巖呼韻

長嘯騰身百丈巖天開萬里俯東南碧城煙樹鱗鱗屋滄海風濤點點帆

歸度咸關嶺

南歸鞍馬可清秋按使期吾白嶽遊已度重關千疊嶺夕陽疎雨見咸州

扇墜水中戲作

此物西風慣障塵塵埃着污拂難新今朝一濯清流
水好逐浮遊物外人

雙龍寺

蚤來雲物晦溪水飲雙龍日出林霏散蒼然立二峯

梅鶴亭次玉山韻

亭本黃孤山所有傳於其婿玉山

庭前綠水浸平沙欲脫征驂買一簑釣罷雨晴明月
上手招雲鶴弄梅花

過冶隱遺墟碑次魚浪仙韻

誰將片石表而書冶隱先生昔此居翠竹萬竿餘舊
種烏山千壘滿遺墟精忠圃老同肝膽苦節籠翁共

里間看罷悲歌出林去夕陽明滅更愁余

陶山書院

吾東文治際 明宣高卧陶山有大賢進退當時思
爛熟非關所樂在林泉

蓮臺寺夜作草書

兩僧磨墨奴伸紙秃筆揮成大草來燭前巨石圓峯
落新自金生窟裏迴

覺華寺次申正甫靖夏韻贈倫上人

白頭迥不羣太白出塵紛纒臨大澤水將踏黃池雲
蠟屐無冬夏仙山幾曉曛老僧長面壁應笑我徒勤

孔淵

三陟使君李秉淵孔淵鑄字孟冬天想看笑拂蒼髯
坐得句微吟美石川

贈別李君元靈麟祥

北遊明瑞曾言病南到元靈又病歸窮寂百年元我
分山林獨往未應非

與朴生錞觀日出

清晨一笛向東吹待日松臺日上遲我欲劒開雲翳
盡清明直到下崦嵫

七佛寺次三淵韻

居僧莫問我為誰我是人間男子奇北上白頭臨巨
澤東遊太嶽俯黃池狂歌擊節猶堪老遠客經年未
覺遲一宿招提明發去天王峯頂倚筇枝

南溟雙刀尚在其後孫家出以示余其柄一刻
內明者敬四字一刻外斷者義四字皆先生手
筆也

雙刀出匣雙虹閃手澤猶存手筆銘想像雷龍亭上

掛軒窓白日起風霆雷龍亭是先生平
居之所 在三嘉

換鵝亭戲題

春風戲筆換鵝亭洗硯池明窓外庭寫罷籠鵝亦近

俗會中領得稽山青

訪蘇處士凝天

看水近乎智看山近乎仁若不得真味莫如看好人

學士樓

樓在咸陽崔孤雲為邑宰時所創云

學士樓中詩酒仙何年作吏坐超然千秋仙去樓空

在時有孤雲度檻前

謁一蠹齋書院謹次退溪韻

名山之下大賢鄉地蘊靈竒人俊良戶戶虔誠尊蠹

老峯峯拱揖向天王

登星州城

四圍城濶山容遠數曲溪回野色多溪北溪南三十里城中城外一千家

過華陽洞

昔年遠訪華陽洞今日華陽洞外過怊悵情懷何所似忽忽不入故人家

還家

去日寒天雨雪霏歸來門柳嫩黃垂隣朋問我有何得添却春風雙鬢絲

崔東萊子亮命相輓

淡味如玄酒忠言有皂囊老為萊府伯客死劇淒涼

明瑞訪君範向州村翌日當歸夕後散步門外
有一客騎馬渡溪初以為明瑞至則君範明瑞
亦追至共說其來時作却次

步出柴門外前郊暝色遲隣君騎馬至及我倚筇時
山月侵書幌溪風捲釣絲追來有隣友共說舟中詩
與君範有翫月覽寺之約久矣六月十六日早
起偕明瑞渡江馬上墨前韻

雙騎翩然去孤山度不遲江郊二十里天氣清明時
浦岸橫舟楫漁村曬網絲東臺今夜月宜續再遊詩
雨夜明瑞留宿仍懷君範次蘇齋韻

吾友能來過夜闌溪上居林風兼雨亂野水接天虛
閉戶青燈近吟詩白髮疎遙知牧谷子不寐坐看書
與明瑞觀漲懷君範拈老杜江漲韻各賦

六月前溪雨層濤捲野流雙池一時滿獨樹半空浮
戒僕輕舸具留朋壯觀謀懷人杳千里宛在水中洲

耐老窩感舊

窩是洪耐齋泰
猷伯亭所居

如玉人何處林間空舊亭軒窓汀月白松檟夾山青
雲鶴飛無跡秋江逝不停庭前老大樹留閱幾霜星
七月既望夜溪雨霽與明瑞君範向覽寺舟中
拈杜韻共賦

風露浩無際扁舟坐爽然天高新雨後月滿大江前
兩岸樹如夢千村人盡眠此間無限興吾欲笑坡仙

又拈李白鳳臺韻

覽寺清樓幾度遊扁舟更好夜乘流携來南岸孤輪
月飛上東林百尺丘牧老詩懸塵暗壁懶翁碑在草
連洲狂歌且盡一樽酒滌蕩曾中千古愁

與明瑞洪盛仲晉往州村歸路捨馬登舟到

楊花津任擇夫選諸友挈釣舟相待笑詫漁趣

仍誦其詩却次

十里澄江一棹飛秋風不動夕波微故人待我沙邊

久並着輕舟泛月歸

天安途中追思戊申春奔問時事有作

此路曾奔問湖中彌賊兵驚聞喪清帥錯報犯王
城郡舍烏爭下店村煙不生誰知十載後無事作閒
行

其二

昔余過此郡追逐上番兵路遇民投藪人傳賊據城
癡狂思起義慷慨欲忘生更覺勤王急催鞭遂獨

行其時行未及天安郡傳聞賊已據城發倉餉軍人
皆驚懼不前余曰試前無怖適遇鄉軍赴番者數
十人招其領首勉以忠義且約曰吾屬比至郡望見
賊果據郡則一邊相率討賊一邊啓聞如何衆皆

樂應遂前行到郡一空無守長無吏民賊亦無焉
余謂番軍曰賊若在郡則宜不計死生討之而此既
無賊賊在清營退而討賊既非吾職不即奔問義又
不可吾當自此疾行向洛汝等亦宜速來遂催鞭獨
云行故

仍以其時所聞見及平素所慨惋者疊賦

昔辭林里日清縣已狂兵變報聞莘谷凶關見錦城
至今猶有憤當日欲無生郭外寒山色愁迎舊客行

其二

兇逆宜殄類 仁君不極兵潛滋遍一國盤據半京
城天地雖同育臣民忍與生秋風撫短劍匹馬向南
行

其三

我東太平久倉卒見戈兵被髮丞逃驛投符守棄城
安危誰注意大小各圖生獨有上番卒如期負羽行

其四

湖西數百里不見一官兵店店虛無主州州只有城
野屯多賊陣林竄半民生擾擾風塵裏孰為奔問行
其五

一死緣他罪人人欲手兵坐令賊向 闕未見士嬰
城雲木公山鬱秋濤錦水生至今遺恨在軍律不能
行

拱北樓次板上韻

城峻壁危地盡頭古來天塹護雄州
清秋暫駐征南駕往事追思拱北樓
漢甲何曾鳴賊壘秦鞭幸不斷
江流宗祊祚厚吾君聖及此昇平且遠遊

又次舟字

倦客南來獨倚樓君恩北望更回頭
太平煙月江湖老又上秋風錦水舟

自神院寺出山路得朴珍山弼文授示作却次

風霜弊盡舊貂裘浪跡東南晚未收
湖外故人多白首山中何處有丹丘
衣巾潤帶龍湫雨杖屨清携鳳

洞秋月谷騷翁詩一紙朝來珍重渡溪流

林川玉谷拜疎齋墓壘今春南海絕句韻

忠還爲逆逆爲忠斯世何時國是公
寂寞荒山秋草裏後人誰識補天功

白馬江次趙熙甫緝韻

喬木風高落葉忙樓臺寂寞路人傷
忠奸不定浮雲變恩怨俱空逝水長
護石庵虛餘大字依山廟古帶殘陽
盛衰何用興悲慨故國繁華一夢場

壘

祚延七百豈云忙
亡國遺墟亦足傷
般樂不知天命

去豪華自謂我生長
荒城亂燐飛秋草
古寺寒鐘起夕陽
安得模移獻吾主
九重常目忝離場

飛飛亭次板上韻

尤翁大字遍東韓
亭扁飛飛最可觀
清麗一川水相映
恢疎百里野俱寬
點圓岸上蒼巖落
畫勁階前老竹寒
揭壁記文共竒健
晚生瞻翫為盤桓

金山寺用唐人金山寺韻

壯麗金山寺樓臺
上界分三軀六丈佛
一塔九層雲左海
不多有中州空遠
聞松壇宜爛醉
紅樹對人醺
三窟三絕

窈窕觀音窟苔巖
一色翠仰看馬耳
峯直挿雲天裏

其二

縹緲脩竹窟飛欄
跨絕壁聊一褰衣
登衰年試脚力

其三

穹窿羅漢窟羅漢
若星燦坐我羅漢
間便成一羅漢

臨行奉地主金正叔時教

一笑相逢一笑別
人生聚散等浮萍
莫愁湖海前期

濶不在風亭在濟亭

約與夏會于光州全州故末句云

登廣寒樓感吟

爺孃少日到茲州
吾祖曾分百里憂
小子當時未墮

地白頭今上廣寒樓

喚仙亭

沃川煙月滿江潭通炭雲霞繞海巖仙子飛來不待

喚御風今過小江南

沃川亦有喚仙亭通川亦有之俱嘗登觀

路上遇漁子網魚駐馬發視之小鮒百餘鮮新

可觀問其直不過二文錢遂加一文以買

漁子網魚立水邊遊人駐馬發筠釜江鄉細瑣猶風

致百箇銀鱗直二錢

忠愍廟次板上忠武公韻

鯨海功名大馬山忠節高平生符十字看取舊雙刀

馬山廟後山名

倭臺

臺上風高雲更屯蠻奴陣處跡猶存天低碧海環三

面地迫青山當一門磧壘依稀蛇鳥動城壕鬚鬚虎

狼吞小酋渠亦知兵者注目寒空倚斷原

樂安郡曉發向澄光寺

悠悠世事不相關強半光陰寄馬鞍 聖主許為方

外士天公遣踏大東山今年海曲無昏瘴十月湖南

只薄寒曉發樂安行廿里澄光寺在翠微間

次萬德山白蓮寺林石川韻 并小序

東坡遺稿

卷三

詩

十七

余嘗聞此寺詩軸有樓頭朝暮鼓樹際古今
舟一聯世稱爲名句而不知爲誰人作只諷
詠之想見其境界而恨不得其全篇今至此
寺取見詩軸軸有五絕諸作次石川韻者而
押秋舟二字余意舊間一聯似是石川作而
爲此詩原韻矣然不載於軸中可異也以問
於僧無知者有淨信師者曰石川詩昔固有
之中間見失小僧適記之仍誦之曰滯雨金
山寺微涼八月秋下聯云云余於是始得聞
其全篇而以爲奇遇也噫文章顯晦固亦有

數而倘徵信師之口傳則顧何由旣晦而復
顯乎余觀是詩韻格清新意境諧愜當爲短
篇中絕調而使信師一朝歿焉則詩將失傳
矣豈不可惜遂錄其詩而記其顛末仍次其
韻爲二篇並以授信師俾傳於永久而勿失
焉寺有金生書萬德寺白蓮社六大字以爲
額板而筆法雄健奇古當與此詩並爲山門
之寶云爾

冬青春萬樹山白雪千秋榻揭金生筆樓迎徐子舟
疊

明珠滄海上顯晦幾春秋爲向山人道溪藏壑底舟
偶吟

進身未做臯夔業退處難修孔孟編竊位盜名吾所
恥不如看盡好山川

望漢擘山

東登堯率頂南望漢擘山海濶孤帆去天空獨鳥還

夏訪松汀月夜登湖亭次伯雨春澤題壁韻

寒雲故紙動新色伯雨何年登此亭醉唾應添海水
白豪情欲刻煙巒青一生抹掇文章好萬事悲涼天
地冥朗詠兩篇明月裏溪聲松籟爲泠泠

鳴梁歸路歷登鼎串寺靜海樓太平亭望海樓
到伏波館與水使成殷錫虞侯金碩屋觀射

右水營前觀戰船伏波館上挽強弦書生亦有平蠻
志恥作湖山詩酒仙

平明登舟乘潮向珍島水使來別船頭

天晴潮水送輕船快若乘風箭發弦朝日元戎臨海
上棹歌鏡吹餞遊仙

寶城郡思舊守尹景平心衡次其用柳州韻題
客館詩

城煙野日暮荒荒去國君曾滯渺茫主辱可前傾

海水時憂政急在蕭牆雲山想像清高操霜竹依稀
勁直腸詩什更看疎宕意寧同子厚苦思鄉

曉向格浦

夜宿來蘇寺朝尋格浦程星河出洞曙冰雪渡溪明
迫隘悲衰世時窮笑此生溟波馬前濶聊復寄遐情

登格浦烽臺壘前韻

銀海三千界璇霄九萬程層臺最迥絕一覽盡虛明
白日亭亭度彤雲冉冉生求仙真妄想長嘯暢幽情
再壘

已爲方外士頗踏海濱程縱眺窮天地狂歌信 聖

情
明山當遙嶼起風自亂松生日晚浮雲去飛揚萬里

石窟

石窟高而寬中開大庵子庵中有老僧長飲玉泉水

次寄鄭汝楫

弘濟

向余之歷宿汝楫任所也汝楫送妓月中梅
于館所余未之近焉昨又過其任所則汝楫
次余詩有時對月梅疑是君之句以戲之又
送其妓隨到楚山客窓相對有如見汝楫之
意遂成一絕以寄

客窓流照羅浮月曉枕虛飛楚炭雲尚愛一枝情宛
轉君疑是我我疑君

歸路尋白蓮庵次明坦上人所次柳州韻贈之

世事月盈虧人生雲起滅獨憐蓮社僧靜對千峯雪

李持平子三台重次余韻見留靈巖却和以寄

南望漢擘天際浮西臨滄海日邊留今行壯觀無餘

恨只少逢君對月樓

水原道中追憶戊申奔問時失馬步行之事疊

去秋南行時韻

戊歲茲州路奪驂遇亂兵傳聞無馬將出鎮近畿城

未見軍容肅惟令賊氣生春風攬遊轡能忘昔徒行

時金重器以摠戎使來鎮而命下之日辭以無馬故云

拜尤庵墓

道大不容時千年志士悲高山入仰止小子寫穹碑

渡大津

潮水初回船可行波濤不起海無聲長風破浪平生

計此日懸飄更遠情

瑞山大橋村吟奉金台德裕有慶

肅州君謫壬寅秋我竄同時近白頭今夜海村成一

笑世間萬事付東流

墨

此實存亡危急秋相看扼腕又搔頭吾儕敢喜清名
享未挽狂瀾作縶流

次明瑞韻贖俞展甫拓基再按嶺南之行

廟薦纔看京尹擢 天書遽報嶺藩遷直緣聞命

三辭固非欲用君一道偏棠樹陰濃新舊色雪山輕

重去來年會須旋節還朝日為誦徂徠慶曆篇

金穉明時榮謫高原投示其踰嶺時所次白沙

韻一律及翻白沙歌一絕要余和之余嘗於北

遷時亦有次是韻翻是歌之作今得穉明之詩

諷詠再三想像其去國之悲戀 君之愁殆若
身復當之也遂次韻以寄其間穉明已 省還
湖中矣

由來嶺北死人關近者 明廷法網寬去國君纔歸

故里投荒我昔反慈顏寒雲淚灑 龍樓遠曉月魂

過鳥道難前後歌詩同愛 主古今人或有相班

孤臣淚逐歸雲下匹馬悲歌度嶺遲今日見詩如昨

日北風蕭瑟鬢邊絲

靜觀齋李先生延 謚宴先生曾孫伯訥敏輔

有詩索和和之

靈芝燁燁露華滋想像村居講道時世上浮榮都謝
卻聞中至理靜觀思高山尚繞三間屋活水猶涵半
畝池自愧棲棲方外客百年徒獎一筇枝

相肱墓

汝今土滿面吾已雪渾頭地下重逢否人間一哭休
鶴歸雲影冷麝過草香留知有精靈在相隨海嶽遊

普德窟

鐵鉤銅柱勢相撐石室雲樓坐欲傾持比世途尚安
地老僧無累度平生

三日浦次簡易韻

蘭舟宿昔載嬌娥秋日明湖蕩碧波三紀重來青嶂
在四仙應笑白鬚多

繼祖窟

天吼山繼祖窟蘿薜被松身雲霞生石穴師去庵空
僧不守惟有畫佛與金佛

鏡浦臺敬次 肅廟御製韻

溟波浩淼際天東鏡水澄明十里中併作微臣臺畔
淚碧紗籠下泣無窮

臺下船遊再疊

片雲將雨過湖東一半青山活畫中落日輕舟思遠

放長堤之外海無窮

竹西樓敬次板上 肅廟御題韻

天迴雲漢掛西樓檻外長川萬古流莫道海濱王

化逝 恩波千里及魚鷗

壘

鏡浦宸章又竹樓樓前湖水淚添流 洪恩未報頭

先白天地東南伴海鷗

佛影寺次板上三淵韻

招提昔是潭湫圍義釋經營樓觀飛五佛迎來光照

耀九龍驅出事依倚千年福地山靈護六月高樓暑

氣微一宿禪房明發去此心何日息塵機

出山知有副學新 命乙卯北遊時始叨是職今又有是命

北塞東關任往還三年再忝侍臣班 聖恩既許遊

方外更借清銜到海山

盛仲聞尹汲韓翼暮兩學士遠謫歎而有吟見

寄卻次

秋野旱痒穡秋江風亂濤民生危若此吾輩罪焉逃

聖化雖如日時憂奈似毛還憐南海岸棘裏兩囚牢

壘

江漢流曾穩如何又起濤禍應策士首孽豈嶺人逃

御極方龍德鳴陽或鳳毛庶看明義理邦勢泰山牢

退漁堂遺稿卷之三

